

Universitätsbibliothek Wien

I

189.118


A



W. g. 25

~~26. Ce.~~

~~G. D.~~







MUNDUS

**IOVIALIS**  
ANNO M. DC. IX.  
DETECTUS OPE  
PERSPICILLI  
BELGICI,

*Hoc est,*

QUATUOR JOVIALI-  
UM PLANETARUM, CUM  
THEORIA, TUM TABULÆ, PROPRIIS OB-  
SERVATIONIBUS MAXIME FUNDATÆ, EX QUIBUS  
Situs illorum ad Iovem, ad quodvis tempus datum  
promptissimè & facilimè suppu-  
tari potest.

*Inventore & Authore*

SIMONE MARIO GUNTZEN-  
HUSANO, MARCHIONUM BRANDEN-  
BURGENSIUM IN FRANCONIA MATHE-  
matico, puriorisque Medici-  
næ Studioſo.

*Cum gratia & privil. Sac. Cæs. Majest.*

Sumptibus & Typis JOHANNIS LAURI Civis & Bibliopolæ  
Noribergensis, ANNO

*M. DC. XIV.*





ILLUSTRISSIMIS  
PRINCIPIBUS AC DO-  
MINIS , DOMINO CHRI-  
STIANO , AC DOMINO LOACHIMO ERNE-  
STO , FRATRIBUS , MARCHIONIBUS BRANDENBUR-  
GICIS , BORUSSIÆ , STETINI , POMERANIÆ , CASSUBIORUM , VANDALO-  
RUM , & IN SILESIA , CROSNÆ & JEGERNDORFJ DUCIBUS , BURG-  
GRAVIJS NORIBERGENSIBUS , & PRINCIPIBUS RU-  
GIÆ , &c. DOMINIS MEIS CLEMEN-  
TISSIMIS ,

**I**llustrissimi & Celsissimi Principes ,  
Dominis Clementissimi , annus nunc  
agitur sexagesimus tertius , ex quo  
sub nomine & Authoritate Illustris-  
simi Principis , ALBERTI Marchionis Branden-  
burgici , Ducis Borussiæ , laudatissimæ memoriæ ,  
Excellentissimus & Clarissim. Mathematicus E-  
rasmus Reinholdus tabulas suas secundorum mo-  
bilium ,

biliū, Prutenicas vocatas, publici juris fecit, quārum etiam usus, quia similes, correctiores, & cælo proprius correspondentes nulla unquam ætas vidit, per totam Europam hactenus unus & maximus fuit. Ex his enim tot Ephemeridum volumina deducta sunt sex earum fundamento emendatio Calendarij derivata est; his usi sunt omnes iij qui ab eo tempore publicationis, de annuis & Nativitatibus constellationibus prognostica conscribere soliti sunt. Hac ratione celeberrimum atque immortale nomen tanti Principis in omnes provincias totius Europæ, ubi studia liberalium artium floruere, cum tabulis his emanavit. Non autem sufficiebat Reinholdo optimo viro, per dedicationem solum, Summi Principis memoriam toti mundo pandere, sed etiam effecit, ut ab eo tabulae suum nomen acceperint, dum Prutenicas nominari voluit, ut ita, quotiescumque tabularum mentio fieret, memoria laudatissimi Principissimul renovaretur.

Quæ fuit autem causa animi adeò grati in Reinholdo? Eam licet colligere non solum ex hac tabu-

tabularum Prutenicarū dedicatione , verum et-  
iam ex alijs à se editis scriptis fuerunt autem in pri-  
mis hæ duæ , nimirum amor Celsissimi Principis  
non saltem erga studia Mathematica , & eos i-  
psos , qui Italia excolebant , verum etiam beneficia  
summa , & liberalitas , qua cultores hujus faculta-  
tis , in primis dictū Reinholdum abundè prosequen-  
batur . Non dubium est , quin beneficentissimus ille  
Princeps ALBERTVS in suā aulā plures habuerit ,  
quos munieribus & honore affecerit , ut in aulis  
Principum fieri solet , at illorum beneficio , memoria  
Ipsi⁹ Celsitudinis jam dudum interiisset , cum per  
liberalitatem in Reinholdum collatam , non mo-  
do fama celeberrima totam Europam penetrarit ,  
sed etiam nomen Illustrissimi Principis immorta-  
le redditum sit .

Quorsum autem hæc à me recensentur ? Illustris-  
simi Principes , ac Domini Clementissimi , gratus  
agnosco beneficia summa , quæ à Celsitudine Ve-  
stra in me clementissime & cumulatissime sunt  
profecta , quorum ante hac quoque in dedicatione  
prognostici anni mentionem feci , & ex parte in

hoc ipso libello in capite de nominibus imponendis  
his planetis Iovialibus enumerantur: Verum, ut  
uno verbo dicam, talia & tanta sunt, ut à me  
nunquam satis compensari possint. Quare lauda-  
bili exemplo Reinkoldi excitatus ego, cum aliud  
pro tantis beneficijs C. Cni. V.V & reddere neque-  
am, siquidem aurum & argentum non habeam,  
& indigentia omnium fere Mathematicorum  
accidens sit quasi inseparabile, ne tot & tanta be-  
neficia oblivioni unquam darentur, ideo memo-  
riam illorum, in primis à C. Cis. V.V & hac ipsa de-  
dicatione & humilima oblatione Mundi Iovialis,  
cælo ascribere volui, ut ita cum his Iovialibus  
sideribus, beneficia C. Cis. V.V & admundi usque  
finem, apud omnem posteritatem, cui sidera cœli  
curæ erunt, commendatissima & notissima es-  
sent: Hac ratione C. Cis. V.V & sumptus, tum etiam  
vigilæ laboresque mei optime collocati videbun-  
tur. Ultra quadriennium enim integrum, à pri-  
ma hujus Mundi Iovialis detectione, facta à me  
cum perspicillo bellico, Deo sic disponente, consum-  
psi, & incredibiles labores, vigilando, observando  
& cal-

Calculando sustinui , usque dum omnes , ut opinor , motuum diversitates in apparentia deprehendi , deprehensas convenienter theoriam excusavi , Ex hac tandem tabulas construxi , ex quibus faciliter negotio ad quodvis tempus datum ; situs horum siderum ad Iovem supputari atque manifestari potest . Reinholdus quidem integrum septennium insumpsit conditione suarum tabularum Prutenicarum , at ille adjutus fuit observationibus annorum plus minus bis mille , tum etiam tabulis Alphonsinis , quin et inventionibus et observationibus Copernici : At haec commoditates omnes mihi defuere : Praeterea planetae , quorum canones Reinholdus condidit , inde a creato Mundo cogniti fuere ; Mei vero usque in annum 1609 . omnibus hominib . incogniti et inobservati . Non autem haec a me eò dicuntur , quasi labores et authoritatem Reinholdi optimi viri , extenuare velim , sed potius ut mei labores juxta Reinholdi positi evidentes evadant , atque hac ratione ijs etiam authoritatis aliquid accedat .

Accipite ergo Illusterrissimi Principes , Domini

ni Clementissimi. Accipite quæso animo pro-  
pensò & clementi Mundum hunc Iovialem , à  
me Celsitudinis Vestræ Mathematico obsequentis-  
simo detectum & pro virili elaboratum & exor-  
natum.

Non ego ullam laborum compensationem,  
aut honoris sive officij alicujus auctionem à Celsi-  
tudine Vesta peto siquidem ea omnia , quæ hac  
in parte à me profici sc̄i possunt , Vestræ sunt, Ve-  
stris sumptibus parta & procurata : Ego quo-  
que eâ gratia contentissimus sum , quæ hactenus  
à Celsitudine Vesta mihi contigit , aulicamque  
vitam & dignitatem , cui quidam maximo suo  
damno , interdum nimis avidè inhiant,nihil fa-  
cio,sed potius vitâ privatâ,& studijs philosophicis  
delector,& sic officio fungor meo.

Hoc unum à Celsitudine Vesta animo plus-  
quam submissò peto , ut gratiam & favorem eum ,  
quo me hactenus Clementissimè complexi estis ,  
continuare velitis , & me unicum ex tanto Alu-  
mnorum Heilsbronnensium numero, ad hæc sub-  
limia

limia studia Mathematica, divinitus procul dū-  
bio excitatum, etate jam et familiā auctum, et  
in summa cerebri imbecillitate constitutum ne de-  
seratis, in quam præcipue ob hoc studium, quod to-  
tum hominem requirit, incidi, et in quo adodi-  
dandos fui, et nullo unquam vivo præceptore usus  
sum: Quod malum in Italia casus ab alto lethalis  
plurimum auxit.

Vicissime ego, quoad vixero, summam obe-  
dientiam, integerrimam fidem et in rebus  
demandatis possibilem diligentiam sanctè pol-  
liceor.

Quod superest, eternum D E U M et Pa-  
trem Domini et Salvatoris nostri JESU CHRI-  
STI veris spirijs et pectore fideli precor, ut Cel-  
situdinem Vestram in felici omnium rerum sta-  
tu diu conservare, et cum animæ, tum corporis,  
tum etiam fortunæ bonis affluentissimè cumula-  
re velit.

Ultimo post D E U M, Celsitudinis Ve-  
stre Clementissimæ affectioni me commendo.  
)( ) Daban-

Dabantur Onoltz bachij ex meo observatorio Astronomico, die Concordiae, qui erat 18. Februarij,  
Anno MC. DC. XIV.

C. Cis. V. Væ


Obsequentissimus & Hu-  
milimus Mathema-  
ticus

Simon Marius.

P R Æ F A T I O

A D

C A N D I D U M   L E C T O R E M .



Onstitueram apud me , Candide Lector , pluribus  
in hac præfatione tecum agere , & de ijs omnibus ,  
quaæ hactenus per instrumentum belgicum , vulgo  
perspicillum vocatum , à me in Sole , Luna , cæteris  
que sideribus , atq; adeò in toto cælo observata sunt ,  
longam orationem instituere , prout diversis in lo-  
cis hujus libelli videre licet . Verum cum non tantum adversa vale-  
tudo , aliaq; negotia intervenientia à proposito me detinuerint , sed &  
nundinae Francofurtenses appropinquarent , & libellus ipse jam sub  
prælo versaretur , promissis stare non potui , sed in aliud tempus hanc  
observationum mearum publicationem prater volūtatem meam dif-  
ferre coactus sum . In sequentibus nunc , quando & quomodo in cogni-  
tionem & usum hujus instrumenti inciderim , paucis explicabo .

Anno 1608 . quando celebrabantur Nundinae Francofurtenses Au-  
tumnales , versabatur etiam ibidem Nobilissimus , Fortissimus , maxi-  
megs strenuus vir , Iohannes Philippus Fuchsius de Bimbach in Möhrn  
Dominus & Eques Auratus intrepidus belli Dux , &c. Illustrissimorū  
meorum Principum Consiliarius intimus , totius Matheos , aliarum-  
ques similium Scientiarum non saltēm fautor & amator , sed & cultor  
maximus . Inter alia quaæ tunc ibi gerebantur , accedit , ut Mercator  
quidam modo nominatum Nobilissimum Virum conveniret , cuius no-  
titiam ante habuerat , & referret quendam Belgam nunc Francofur-  
tie esse in nundinis , qui excogitarit instrumentum quoddam , quo me-  
diante , remotissima queq; obiecta , quasi proxima essent , intueri lice-  
ret . Quo cognito multum rogavit dictum Mercatorem , ut belgam il-  
lum ad se adduceret , quod tandem obtinuit . Multum igitur disputans  
cum Belga primo inventore , & de inventi novi veritate non nihil du-

bitans Nobilissimus Vir, tandem belga productio instrumento, quod  
secum attulerat, & cuius alterum vitrum rimam egerat, rei verita-  
tem experiri jussit. Accepto itaque instrumento in manus, & adobje-  
cta directo, ea aliquot vicibus ampliari & multiplicari vidit. Depre-  
hensia itaq; veritate instrumenti, quæ sicut ex illo, pro quantapecunia  
summâ simile instrumentum parare vellet: Belga magnam pecunia  
summam poposic: cum vero intellexerit, quod primum habere non  
possit, ideo rebus infectis in vicem discessum est. Rediens ergo Onoltz-  
bachium dictus Nobilissimus Vir, mihi ad se vocato retulit, excogita-  
tum esse instrumentum, quo remotissima quasi proximacernerentur.  
Quæ nova ego cum summa admiratione audivi. Cumq; hac de re post  
canam sepius mecum differeret, tandem conclusit, necessum scilicet esse  
ut instrumentum tale duobus constaret vitris, quorū unum esset con-  
cavum, alterum vero convexū, & ceterā acceptā proprijs manibus in-  
mēsa, quæ & qualia intelligeret vitra, delineavit. Accepimus post vi-  
tra duo ē perspicillis communibus, concavum & convexum, & unum  
post alterum in conveniente distantiā collocavimus, & rei veritatē  
aliquo modo deprehendimus. Verum cum convexitas vitri ampliantis  
nimis alta esset, ideo verā convexi vitri figuram gypso impressam No-  
ribergam misit, ad artifices illos, qui perspicilla communia cōficiunt, ut  
similia pararent vitra, at frustra, deſtituebantur enim instrumentis  
idoneis, & verā conficiendis rationē illis revelare noluit. Hac ratione  
nullis interim parcens sumptibus, elapsi sunt menses aliquot. Si modus  
poliendi vitra nobis cognitus fuisset, statim post redditum à Frācoſurto,  
perspicilla optima paravissimus. Interim divulgātur in belgio eiusmo-  
di perspicilla, & transmittitur unum satis bonum, quo valde delecta-  
bamur, quod factum est in aestate Anni 1609. Ab hoc tempore cępicum  
hoc instrumento inspicere cœlum & sidera; quando noctu apud sa-  
pius memoratum Nobilissimum Virum fui, interdum dabatur mihi  
potestas portandi domum, præsertim circafinem Novembris, ubi pro  
more in meo observatorio considerabam astra: Tunc primum aspexi  
Iovem, qui versabatur in opposito Solis, & deprehendi stellulas exi-  
guas, modo post, modo ante Iovem in linea recta cum Iove. Primum ra-

rus sum, illas esse ex numero illarum fixarum, quae alias ubique instrumento hoc cerni nequeunt, quales in via lactea, pleiadibus, hyadi-  
bus, Orione, alijsque in locis a me deprehendebantur. Cum autem Iu-  
piterum esset retrogradus, & ego nihilominus hanc stellarum conco-  
mitantiam viderem, per Decembrem, primum valde admiratus sum,  
post vero paulatim in hanc descendit opinio[n]em, videlicet quod stellae  
haec circa Iovem ferrentur, prout quinque solares planetae ♀ ♂ 24  
& tunc circa solem circumaguntur; itaque c[on]cep[ti]o[n]e annotare observatio-  
nes, quarum prima fuit die 29. Decembris, quando tres ejusmodi stellae  
in linea recta a Iove versus occasum cernebantur. Hoc tempore quod in-  
genue fateor, credebam saltem tres ejusmodi stellas esse, quae Iovem co-  
mitentur, cu[m] aliquoties tres ordine collocatis eiusmodi stellas prope Io-  
vem viderim. Interim etiam mittebantur e Venetijs duo vitra egregie  
politae, convexu[m] & concavu[m], a clarissimo & prudentissimo viro Do-  
mino Iohanne Baptista Lencio, qui e Belgio post facta pacem reversus  
Venetias concesserat, & cui instrumentum hoc jam nonissimum fuerat.  
Hac vitra tubo ligneo coaptata fuerunt, & a prius nominato Nobili-  
ssimo maximeque strenuo viro mihi tradita, ut quid in astris, stellisque, pro-  
pe Iovem praestaret experirer. Ab hoc itaque tempore usque in 12. Ianua. di-  
ligentius attendebam his Iovialibus sideribus, & deprehendi aliquo modo  
quatuor eiusmodi corpora esse, quae Iovem sua circuitione spectarent.  
Tandem circa finem Februarij & initium Martij de certo numero ho-  
rum siderum omnino confirmatus sum. A decimo tertio Ianuarij  
usque in 8. Februarij fui Hale Suevorum, & instrumentum domi reli-  
qui, veritus ne in itinere damnum aliquod acciperet. Postquam  
igitur domum redij, ad consuetas observationes me accommodavi,  
& ut exactius & diligentius sidera Iovalia observare possem, ex  
singulari affectione erga haec studia Mathematica sepius citatus  
Celeberrimus & Nobilissimus Vir, mihi plenam instrumenti copiam  
fecit. Ex hoc itaque tempore usque in præsens cum hoc instrumento &  
alijs postmodum constructis, observationes continuavi. Haec est  
historia verissima: Non enim de tanto viro, vivo præsente, sic  
in publico scripto mentiri impune mihi liceret, ut qui non saltem

obstremma Nobilissimū & antiquissimū, sed etiam in primis ob res fortissimè gestas, heroica facta, & summam belli peritiam per Galliā, Vngariam, Belgium & Germaniā sit celeberrimus. Ideo quidquid hac in parte à me observatum, elaboratum & jam publici juris est factum, illud totum huic Excellentissimo & Nobilissimo Viro, Patrono & Promotori meo summè colendo acceptum refero. Nō autem hæc à me eò reconsentur, quasi ego existimationē Galilæi extenuare & inventionem horum siderum Ioyalium apud suos Italos ipsi præcipere velim, neutiq; sed potius ut intelligatur, hæc sidera à nullo mortaliū mibi ulla ratione commonstrata sed propria indagine sub ipssimum fere tempus, vel aliquanto citius quo Galilæus in Italia ea primū vidi, à me in Germania ad inventa & observata fuisse. Meritò igitur Galilæo tribuitur & manet laus primæ inventionis horum siderū apud Italos. An autem inter meos Germanos qui pīa ante me ea invenerit & viderit, haec tamen intelligere non potui, nec facile credidero: quin potius plane contrarium expertus sum, nempe fuere, qui Galilæum meque erroris impudenter accusare non erubuerunt. Verum non dubito, quin illos met ipsos jam sui erroris & præcōcis judicij de aliorum laboribus pene itatq;. Si itaq; meus hic libellus ad Galilæum Florentiam venerit, rogo ut eo animo hæc à me accipiat, quo sunt à me scripta. Tantum enim abest, ut per me aliquid ipsius autoritati & inventis decidere velim, ut potius ipsi magnas agam gratias pro publicatione sui Nuncij siderei, eò enim ipso plurimum confirmatus sum: In primis autem ipsius observationes mihi utiles fuere, quia et me ipso quasi tempore facta sunt, quo ego Halæ Suævorum fui, & ab observationibus vacavi, licet mihi illæ non undiqueq; exactæ videantur, tamen quoad orientalitatem vel occidentalitatem, & habitudinem horum siderum inter semetipsa, me plurimum juvarunt. Modus ipsius Galilæi accipiendi distantiās à Iove mihi non successit, sed retinui meum modum, quem et iam ante notitiam siderei Nuncij sum usus, quemque alibi, in publicatione præcipuarum mearum observationum explicabo.

Acturus nunc eram de maculis in Sole, uti ante hac proposueram, quidquid etiam in eis à 3. Augusti Anno 1611. usq; huc observavi manifestare.

nifestare. Verū non saltem ob causas ab initio indicatas in praesenti nō  
de eis certò determinare volo nec possum, sed quia etiam Doctissimos  
de ijs dissentire, & egomet ipse milia satisfacere nequeam. Quare reli-  
ctis ijs, Quatuor alia nunc subjungam, de quibus in dedicationibus  
meis annuorum prognosticorum hactenus nullam feci mentionem.  
Inter illa primum est, quod mediante perspicillo à die 15. Decemb. Anni  
1612. invenerim & viderim fixam vel stellam quandam admirande  
figuræ, qualem in toto cælo deprehendere nō possum. Ea autem est prope  
tertiam & borealiorem in cingulo Andromedæ. Absque instrumento  
cernitur ibidem quædam quasi nubecula: at cum instrumento nullæ  
videntur stellæ distinctæ, ut in nebula sa cancri & alijs stellis nebulosis,  
sed saltem radij albantes, qui quo propiores sunt centro eò clariores  
evadunt, in centro est lumen obtusum & pallidum, in diametro quar-  
tam fere gradus partem occupat. Similis fere splendor apparet, sì à lon-  
ginquo candela ardens per cornu pellucidum de nocte cernatur; non  
ab similius esse videtur Cometæ illi, quem Tycho Brahe Anno 1586. ob-  
servavit. Mense Septembri Anni superioris, quando mecum erat Do-  
ctissimus vir M. Lucas Brunnius Illustrissimi Electoris Saxonici Ma-  
thematicus, inter alia tunc Mathematica colloquia, quia se offere-  
bat gratia serenitas, etiam hanc ipsi stellam monstrosum commonstra-  
vi, quam summacum admiratione vidit. An autem nova sit nec ne-  
certo asseverare nequeo, dispiitant & judicent id alij. De oculatissi-  
mo Domino Tychone miror, qui borealiori fixæ in cingulo Androme-  
dae, instrumentis suis locum secundum longum & latum præsinivit,  
hanc tamen nebulosam intactam reliquit, quæ tamē proxima est illi.  
Secundum est, de quo omnes Physici & Astronomi inter se dissen-  
tiunt: nimirum quæ sit causa, vel qui modus scintillationis stellarum.  
Antecessores nostri fere omnes existimarent scintillationem solis fixis  
competere, planetis vero minime. Ad hoc falsum esse experientia &  
observatio per instrumentum belicum convincit. Omnes enim stellæ  
in cælo scintillant, etiam ipse Sol, Luna sola excepta, at quædam plus  
quædam minus: Inter planetas omnium minimè scintillat Saturnus,  
post Iupiter, Tertio Mars, hunc sequitur & Mercurius vero validissi-

in scintillat; quod cum & absq; perspicillo manifestè deprehenditur.  
De Sole post agam. Hic iterum non deerunt scioli, qui plenis buccis in-  
clamabunt, & insanie ac crassissimi erroris me accusabunt: faciant.  
sane quod illis libuerit, ego nihilominus, que oculis meis vidi, queque  
diligentissimè observavi, candido lectori communicabo. Cui igitur  
perspicillum bonum ad manus est, qui que rei veritatem explorare cu-  
pit, is è perspicillo vitrum concavum eximat, partem instrumenti vi-  
tro vacuum oculis admoveat, & perspicillum dirigat in stellam vel  
planetam, cuius scintillationem considerare vult: Tunc cum admiratio-  
tione videbit ea, de quibus hic ago, modo cælum sit clarissimum & aer  
defacatissimus. Licet enim corpora fixarum & planetarum appareant  
multis perforata foraminibus, quod sit ob materiam vitri convexi,  
nihilominus maxime sunt moles corporum fixarum & planetarum  
& scintillatio videbitur esse quasi quedam fulminatio sive ebullitio  
materiæ stellarum, interim tamen apparebunt ordine per vices certi  
& distincti colores, in alijs plus, in alijs minus: Et quæ stellæ hactenus  
creditæ sunt naturæ Martis, in illis cæteris præcellit color rubens,  
utpote in Marte, Aldebaran & alijs fixis similibus. In cane verò ma-  
jore omnes colores, viridis, aureus, sanguineus & cæruleus in eodem  
q. vigore & copia eâdem ordine sibi succedunt, ita ut intuenti maxi-  
mam pariant admirationem cum summa delectatione conjunctam.  
Hos colores liberis oculis sè vedisse scribit Dominus Keplerus in opticis,  
idemq; Ratisbonæ post cænam Illustri Viro, Domino, D. Iohanni Mat-  
thiae Wackerò à Wackenfels, S. C. Majest. Consiliario Imperiali Auli-  
co, &c. & mihi confirmavit, cum hac eâdem de re verba siebant inter  
nos. Non ego hic sententiam meam dico de scintillatione, quaratione  
ea fiat, sed quid viderim fideliter ostendo, alijsque subtilioribus inge-  
nijs discutiendum id & explicandum relinquuo. Puto tamen naturam  
& qualitatem fixarum hac ratione securius & certius explorari &  
definiri posse, quam hactenus factum est.

Tertium est, quod non ita pridem, videlicet post redditum à Ratisbo-  
na mihi pararim instrumentum, quo non solum planetæ, sed etiam, o-  
mnes fixæ & insigniores exquisitæ rotundæ cernuntur, in primis autem

canis

major, minor, lucidiores in Orione, Leone, Vrsamajore, &c. quod  
antehac nunquam mihi videre contigit. Miror equidem Galilaeum cum suo instrumento admodum excellente idem non vidisse. Scribit enim in suo sidereo Nuncio, fixas stellas peripheria circulari nequaquam terminatas apparere, id quod quidam postea maximi argumenti loco habuerunt, nimurum hoc ipso sistema mundanum Copernicanum confirmari, nempe quod ob immensam distantiam fixarum à terrâ figura globosa fixarum stellarum nequaquam in terris ullo modo percipi possit. Cum vero nunc certissime constet, etiam fixas orbiculari in terris hoc perspicillo videri, cadit profectò hæc argumentatio, & plane contrarium astruitur, nimurum sphærarum stellarum fixarum nequaquam adeo incredibili distantia à terris removeri, ut ifert speculatio Copernici, sed potius talem esse segregationem sphærarum fixarum à terris, ut nihilominus moles corporum illarum hoc instrumento figura circulari distinctè videri possit, consenteiente ordinatione sphærarū cœlestium, Tychonica & propriâ, ut inferius parte secunda hujus libelli, phænomeno quinto confirmabitur. Verum hæc alibi disputanda & explicanda sunt. Quod autem fixe proprio luceant lumine, Galilæo facile concessero, quia longe excellenter splendore & claritate sunt prædictæ, quam planetæ.

Quartum est, peculiaris quedam observatio in Sole, præter maculas, de qua inter me & Dominum Davidem Fabricium Theologum in Friesia orientali, & Astronomum excellentissimum Amicum meum singularem, per literas aliquoties disceptatum est. A multis enim jam annis vidi in templis alijsq; locis obscuris, ubi per foramen, vel orbem vitreum fractum incidebat radius Solis in oppositum parietem, satis longo intervallo à dicto foramine distantem, tremulum admodum motum radij solaris, ita ut non equaliter progrederetur, sed tremendo, undulando & saliendo quasi proveneretur. Cumq; modo nominatus Dominus Fabricius mihi semper contradixerit, affirmando hunc motum radij non à Sole ipso existere, sed ab aëre intermedio: ideo diligentius huic rei attendi, adhibito etiam perspicillo, quod ad foramen parietis fixum & immobile adaptavi, ita quidem ut nul-

) ( ) (

lus

lus alius radius in Cameram obscuram, nisi per perspicillum intrare posset. Except etiam radium in tabula radio è satis longo intervallo oppositâ, & charta albâ obducta, quæ etiam fixa manebat. Quibus sic ordinatis diligentissime observavimus radium cum maculis Solaribus, & deprehendi tres distinctos motus in ipso radio: Vnum in superficie radij, quasi fulminantem quandâ alterationem splendoris solaris, qualis fere apparuit in fixis, præcipue in cane majore, ut antea ostensus est. Hunc motum ego scintillationem Solis esse credo, & mihi persuadeo, si quis Solem ex Saturno intueretur, tunc procul dubio Solem validissime scintillare videret. Nam lumen & moles Solis ibidem non est tanta, quanta apud nos in terris exhibetur, cum diameter ipsius trium saltuum minitorum circiter appareat, & præterea angulus hujus fulminantis & ebullientis motus longe major apud Saturnum fiat, quam apud nos. Eundem hunc motum absq; instrumento non raro liberis oculis, & quidem melius quam per instrumentum, vidi, quando Sol declivior erat, per chartam nigram oblique convolutam, cuius angustum foramen ad oculum dirigebatur, amplum vero ad Solem. Hac ratione vidi superficiem Solis commoveri, non aliter ac aurum à summo calore liquefactum, in quo fluxu similis commotio & quasi fulminatio existit in superficie auri, ubi tamen superficies semper manet eadem, nec it à ebullit ut aliæ res liquide vel aquæ.

Secundus motus est & observatur in extremac circumferentia radij solaris, quem proprie undulationem aliquam vocari posse puto. Hic que meo iudicio existit ab aëre moto extra foramen. Similis commotio supra segetes aestivo tempore observatur, quando calor est intensissimus. Idem etiam cum perspicillo deprehendi hac nivisissima & frigidissima hyeme, in campus & sylvis tempore serenissimo & frigidissimo.

De Tertio motu valde miror, qui admodum in equalis deprehenditur. Nam qui diligenter attendit, licet radius paulatim provehatur, eatamen promotio non equalis existit, sed admodum sibi dissimilis. Interdum enim quasi stare videtur radius, quo ad motu illum, qui alias diurnus vocatur, interdum vero quasi in momento saltu quodam facto in consequentia ferri. Eadem motui inequali etiam obnoxiae sunt


macule

maculae Solares, hunc saltum motus radij solarij, post multiplicem experientationem, deprehendi ducentesimam partem diametri radij non attingere. Sit autem sane pars radij ducentesima. Hic igitur motus aut inest Soli, aut terrae, aut deniq. aeri. Ab aere existere non posse puto, quia hic motus plane diversus est ab illo altero, quem undulationem aliquam vocavi. A terrae motu diurno hanc in aequalitatem motus existere dicent forsitan Copernicani, quod tamē ego nego, ductus hac probabilitatione. Si diameter Solis est 8876. mill. germ. qualem inferius parte tertia usurpo, dueque linea ex centro terrae ad contactum Solis ducantur, tunc duæ haec lineæ comprehendent de superficie terrae 7. mill. germ. & passus geometricos 3595. qui arcus est diameter radij in camerâ obscurâ accepti: hujus ducentesima pars sunt geometrici passus 192. vel pedes 960. quibus turris aliqua in mometo quasi ab occasu in ortum proveheretur. Qui saliens motus inæqualis superficie terrae procul dubio sentiretur in altissimis montibus, si vera esset speculatio Copernici. Præterea si hic motus inesset terrae, depræhenderetur etiam in radio lunæ licet difficilior sit observatio, sed id non fit, ergo inest Soli. Verum haec à me non ideo proponuntur, quasi paradoxum esse velim, sed ut & alij in hanc rem diligenter attendant, cum neminem adhuc sciam, qui hunc motum radij Solaris vel Solis ipsius obseruârit.


Hec ita sunt de quibus hoc tempore atq. per hanc occasionem te, candide Lector, commonefacere volui, simul rogans, ut ea omnia, quæ in hoc libello bono animo & summa fide à me publicantur, candide interpreteris, atq. ita accipias, ut prima fundamenta Mundi Iovialis, super quæ semper correctoria ædificare licebit. Bene  
vale, & his meis vigilijs & laboribus  
feliciter fruere.

35(0)35

SIMON MARIUS GVNTZENH. MATHEMATICVS  
ET MEDICVS ANNO M. DC. XIV. ÆTATIS XLII.



JNVENTUM PROPRIUM EST: MUNDUS IOVIALIS, ET ORBIS  
TERRÆ SECRETUM NOBILE, DANTE DEO.



PRIMA PARS  
DE AMPLITUDI-  
NE MUNDI JO-  
VIALIS,  
CONSIDERATIO  
UNIVERSALIS.

**D**escripturus historiam Mundi Iovialis , haud inconsultum duxi , totam libelli seriem in tres subdividere partes. In prima tractabitur universalis consideratio hujus Mundi Iovialis , videlicet amplitudo ejusdem , & quatuor in eo contentorum corporum magnitudo , & motus velocitas circa Iovem probabiliter determinabitur. In seunda particulares motuum differentiae explicabuntur. In tercia omnia illa phænomena convenienti Theoria explicabuntur, quibus tandem tabularum compositio & usus subjungetur, qui est principalis scopus totius hujus libelli. Ordinar itaq; ab universali consideratione Mundi hujus Iovialis, à prima machinæ mundanæ conditione omnib; mortalibus incogniti. Per diligentem possibilem , eamque diurnam observationem deprehendi Iovem continere in diametro propria 35. sexagesimas quasi, diametri terrestris, Nam sua diametro in media à terris

A

distan-

distantiâ non plus uno minuto subtendere in cœlo multoties de die vidi. Ex hoc fundamento totam amplitudinem & extremam circumferentiam Mundi Iovialis investigare conabor, idque in hunc, qui sequitur, modum.

Si uni gradui æquatoris in superficie terræ tribuuntur quindecim millaria germanica communia : Tunc diameter terræ continebit eorumdem 1718<sup>rr</sup>. Verum facilioris operationis gratia rei sciatur fractura, ita ut diameter æquet 1718. (Tycho 1720. assumpsit) millaria germanica vulgaria, idque ex proportione 22.ad 7. Hinc indagatur diameter Iovis in similib. milii: germ: per auream regulam Detri. Sic: videlicet 60. id est, tota diameter terrestris dat 1718. milli: germ: quot dabunt 35. atque operatione peracta producuntur 1002. Verum ne sim nimium subtilis, sint saltem 1000. milli. germ. His medianibus offertur modus inquirendi circuitum Mundi Iovialis, ut ex sequentibus patebit.

Per proprias & per Galilæi observationes deprehensum est, quartum Iovis erronem, id est, qui maximè elongatur à Iove, in media Iovis à terra distantia ad 13. quasi minuta, à Iove in utramq; partem excurrere; Accipiam autem in præsenti 14. minuta, ut sane largus sim, & ne nimium hoc Ioviale theatrū coarctem. Cumq; Iupiter in tali à terra distantia occupet minutū unum suâ visibili diametro, cui respondent 1000. milliar. germanica, tunc semidiameter totius Systematis Mundi Iovialis occupabit 14000. & tota diameter 28000. milli. germ. Nunc inverso ordine per eandem proportionem videlicet 7. ad 22. deprehenditur totus ambit⁹ extremus Mundi Iovialis 88000. mil. germ. vulgarium. Non spernenda certe amplitudo hujus Iovialis Mundi, inde à condito Mundo, quantum quidem per historias constat, omnibus hominibus incogniti & inobservati.

DE AMPLITUDINE SPHÆRA-  
RUM QUATUOR JOVIALIUM  
PLANETARUM.

Cumq; nunc utcunq; constet de circuitu extremo Mundi Iovialis, ad reliqua in eo contenta corpora ordine descendam, & initio factō à Quarto videlicet Saturno Ioviali, ut inferiorius dicetur, ejus sphæræ circumferentiam & motus celeritatem inquiram.

DE QUARTO.

Observatum autem est, ut modo dixi, quartum Iovis circulatorem, id est, Saturnum Ioviale, in media Iovis à terrā distantiā ad 13. minuta utrinque à Iove recedere, indeque ad Iovem reverti. Erit itaque semidiameter ejus sphæræ 13000. milliarium germanicorum, & tota diameter 26000. eorumdem. Et per proportionem datam tota circumferentia sphæræ 81714 $\frac{2}{7}$ . mil. germ. Constat autem ex ultima à me facta correptione, hunc Saturnum Ioviale, id est, Quartum Iovis error nem hanc circumferentiam peragrare spacio dierum 16. horarum 18. minutorum primorum 9. secundorum 15. ferè. Ideo calculo subducto in unā horā conficiet 206. mill. germ. circiter, incredibilis sane celeritas, quæ tamen negari non potest. Si itaque hæc corpuscula minimare respectu aliorum, adeo celestem in cœlo motum habent, quid de cæteris majoribus judicandum vel potius dubitandum erit?

## DE TERTIO.

**T**Ertius Iovis planeta, vel Iupiter Iovialis, ut observationes hactenus à me factæ testantur, non refragantibus etiam observationibus à Galilæo publicatis, in media Iovis à terrâ distantia, ad 8. minuta in utramque partem à Iove excurrit. Erit itaque semidiameter ejus sphæræ 8000. milli. germ. & tota diameter 16000. & totus circuitus extremus 50286. milli. german. Constat autem hunc Tertium Iovialem, circumferentiam hanc permeare diebus 7. horis 3. minutis primis 56. secundis 34. Competent itaque uni horæ 292. mill. germ. communia fere. Est ergo hic Tertius celerior Quarto, quia videlicet propior est Iovi, quam Quartus.

## DE SECUNDO.

**S**Ecundus Iovis circulator, vel Venus Iovialis ( docentibus sic observationibus) quinque minutis à Iove utrinque digreditur, Iove in media à terris distantia versante. Itaque semidiameter ejus sphæræ est 5000. mill. germ. & tota diameter 10000 & per proportionem 7. ad 22. evadet tota circumferentia vel ambitus 31429. mill. germ. Absolvit autem tale spaciū hic Iovialis erro termino dierum 3. horarum 13. minutorum primorum 18. Competent igitur uni horæ 369. mill. germanica fere; Vel 370. Nolo esse nimium subtilis in hac pragmatia.

## DE PRIMO.

**P**Rimus Iovialis planeta, id est, Mercurius Iovialis à Iove utriq; tribus minutis abscedit, in prius citatâ Iovis à terris distantia. Erit itaque semidiameter ipsius sphæræ 3000. & tota diameter

diameter 6000, totaque peripheria 18857. mill. germ. Quod spaciū peragrat die 1, horis 18, minutis primis 28, secundis 30, permeabit itaque in unā horā 440, milliaria germ. circiter.

Atque hæc est utcunque dimensio Mundi Iovialis, tum extremae circumferentiæ, tum etiam sphærarum quatuor errantium corporum, quorum quoque celeritas in mensuris vulgarib. utpote milliari. germanicis simul indicata est. Ex quibus apparet, quod celeritas motus augeatur cum appropinquatione ad Iovem, prout etiam in planetis hactenus usitatis proximitate ad Solem fieri videmus: Nam Mercurius Iovialis celeiore est Venere Ioviali, & Venus Iove, Iupiter deniq; Saturno Ioviali. An autem hæc motus intentio vel remissio pendeat à gyratione Iovis ipsius & genuini, necne, veluti Dominus Keplerus Cæsareus Mathematicus probabiliter de Sole ejusq; planetis ♀ ♀ ♂ & ♀ philosophatus est, apud me ad hoc incertum est & inobservatum. Verum uti non certe asseverare, ita nec plane negare possum. Quare hac de re meum suspendo judicium. At ut verum fatear, hanc corporum cœlestium vel celeritatem vel tarditatem considerandi rationem plane improbo. Quid enim commune habent corpora cœlestia cum dimensionibus nostris, utpote stadijs, milliaribus &c, in superficie terræ usitatis? Alia est enim ratio, quando considero totam molem alicujus corporis, alia quando saltem unicum istius punctum. Dabo exemplum ridiculosum: Esto Taurus, qui secundum rectam lineam progrediendo absolvat in uno minuto horæ tantum spaciū, cuius tricesima pars sit longitudo Tauri: Sedeat autem alicubi in Tauro vespa, utpote in fronte, quarum centum, si ordine collocentur, æquent longitudinem Tauri. Si nunc vellem admirandam celeritatem Tauri ex hoc inferre, quod intra unum minutum horæ absolverit progrediendo longitudinem 3000. vesparum, riderer profectò ab omnibus & meritò. Si verò dixero, intra unum minutum horæ

absolvit Taurus tantum spaciū, cujus longitudo ipsius Tauri est trigesima pars, nemo celeritatem Tauri admirabitur. Simile de corporibus cœlestibus intelligendum est, celeritasque illorum aestimanda venit ex tota mole, non ab uno ejus punto vel centro, contra quam ab Astronomis omnibus hactenus factitatum est. Improbata itaq; & repudiatā priore dimensionis ratione, nunc ad alteram descendam, cuius etiam in dedicatione prognostici in annum 1613. oblique mentionem feci, & inquiram prius quantitatem ambitus cuiusq; horum quatuor Iovialium Errorum, postea celeritatem in diametris proprijs; ex quibus manifestè apparebit nullam incredibilem celeritatem à me his corpusculis attribui, sed potius rationem & modum doceri, quo illa stupenda promptitas corporum Cœlestium salvatur, quæ ab Aristarchianis & Copernicanis obijci solet ijs, qui quietem terræ, attestante totâ sacrâ scripturâ, præcipue autem primo capite Geneseos, assertunt. Nemo autem me adeò insanum existimet, ut qui velim de ambitu horum secundariorum planetarum agere, cum de hactenus usitatorum planetarum magnitudine non certò constet. Si quis tamen est, qui talia de me concipiatur, is sciat me hic prope verum saltem versari, satiusque ducere veritati crassò modo appropinquare, quam de veritate ipsa, eam radicitus querendo desperare. Scio etiam dimensionem ratam & exquisitam horum corpusculorum plane impossibilem esse, interim tamen haud absurdum, in comparatione ad alia corpora cœlestia, de quorum magnitudine certius constat, quantitatem aliquo modo conjectare. Et in hunc modum sequentia de quantitate horum Iovialium errorum intelligenda sunt.

Deprehensum autem est à me frequenti, diligenti & diurna observatione Iovem suā diametro in mediā à terris elongatione unum minutum circiter subtendere, prout aliquoties à me jam dictū est. Observavi etiam tres Ioviales videlicet quartum,

tum, secundum & primum, quoad quantitatem apparentem  
quā proximè aquales esse inter se & quantum per cōjecturam  
assequi licet, ( nam hæc præcisæ observationi nullatenus pa-  
tent.) quasi duodecimam partem diametri Iovis equare, Terti-  
um autem ut notabiliter cæteris majorem & splendidiorem  
octavā ejusdem diametri Iovis obtinere. Hinc ambitus horum  
corporum coelestium indagatur in hunc qui sequitur modum:

Jupiter, ut prius indicatum est, sua diametro adæquat 1000.  
millaria germanica, quorum duodecima pars est 83. videlicet  
longitudo diametri trium Iovialium planetarum, quarti, se-  
cundi & primi, quia æquales presupponuntur. Jam ut 7. ad  
22. Ita 83. ad 261. videlicet circumferentiam totam molis Quar-  
ti, Secundi & Primi.

Octava pars de 1000. mill. germ, id est, diametro tota Iovis  
est 125. diametri quantitas Tertij Iovialis Erronis: Calculoque  
subducto ut prius, prodit ambitus huius planetæ 393. mill. ger-  
manicorum.

**N O T A.** Quando hic & alibi in hoc tractatu loquor de am-  
bitu aut circumferentia corporum, non intelligo totam corpu-  
lentiam vel molem planetæ, sed circuitum maximum,ambien-  
tem superficiem planetæ, cuius centrum idem est cum cen-  
tro planetæ. Nam quando metimus corpus sphæricum ple-  
bejo modo, inquirimus primo diametrum in certa mensura,  
postea circumferentiam in eadem mensura. Atque hæc de  
quantitate vel potius ambitu quatuor Iovialium planetarum,  
ut proposueram, crassò modo dicta sunt. Nunc ad inquisicio-  
nem celeritatis vel tarditatis horum corporum iuxta meam ra-  
tionem accedo.

## DE QUARTO.

**E**X superioribus constat, motum horariorum huius Quarti  
Iovialis planetæ esse 200. milliarium germanicorum, Dia-  
meter

meter item complectitur 83. milli. germ. Diviso itaque motu horario per hunc , emergunt in quotiente  $2\frac{1}{2}$  diametri propriæ , quibus in unâ horâ promovetur. Nulla itaque celeritas, sed potius tarditas motus reputanda est , ac si rota per integrum horam saltem per duas diametros proprias cum dimidiâ promoveretur.

## DE TERTIO.

**H**ujus Tertij Iovialis circulatoris motus horarius anteà deprehensus est 292. mill. germ. quo diviso per 125. mil. germ. quæ complectitur ipsius diameter , prodeunt 2. diametri cum  $2\frac{1}{2}$  quasi : quibus in una hora provehitur , estque paulo velocior Quarto.

## DE SECUNDO.

**P**lanetæ hujus Iovialis motus horarius est inventus 370. mill. germi, qui divisus per 83. producit motum in unâ horâ, 4. diametrorum propriarum, cum dimidiâ fere unius.

## DE PRIMO.

**D**ividendo itidem motum horariorum hujus planetarum 440. per 83. emergunt post factam divisionem 5. diametri propriæ, cum  $\frac{1}{4}$  ferè, quibus progreditur in una horâ.

Absolvi nunc paucissimis verbis vel universaliter ea , quæ in genere, de hoc Mundo Ioviali , eiusque corporibus & sphæris dicenda erant. Porro ad particulares motus differentias explicandas milii transeundum erit. Subjungam autem quædam de his planetis , nomina illorum concernentia.

DE

DE NOMINIBUS HIS QUATUOR JOVIALIBUS PLANE-  
TIS IMPONENDIS.

**I**N dedicatione prognostici in numero 1613. sicut etiam in præmissis, & in tabulis à me supputatis, distinxii hos quatuor Iovis astre clas saltem numeris vel potius ordine, quo ad Iovem sunt collocati: Ita ut primum vocarim illum, qui angustissimum circuitum circa Iovem facit, & saltem ad tria minuta in utramque partem excurrit ( prout nobis in terra apparet) secundum qui quinq; minutis in sua maxima elongatione, à Iove abscedit. Tertium qui ad octo minuta à Iove utrinque exspaciatur. Quartum qui distantiam 13. ve' 14. minutorum ( qua de re suo loco plura ) terminum sui excursus agnoscit.

Galilæus in suo Nuncio sidereo vocat illos sidera Medicea, hanc præcipue ob causam, quia scilicet ipse Florentiæ natus & educatus est, sub Dominio Magnorum Ducum Hetruiæ, qui per multos jam annos ex Illustri familia Medicea oriundi fuerunt.

Si ego illos ipsos Iovis circulatores sidera Brandenburgica nomino, quis hoc in me improbabit? ut qui multò justiores causas habeam. Nam non solum sub huius Illustrissimæ & Celsissimæ Familiaæ dominio ego natus sum, sed etiam ab anno 14. ætatis meæ usque in præsens tempus, sumptibus Illustrissimorum Principum, Marchionum Brandenburgensium, GEORGII FRIDERICI, laudatissimæ memoriarum, & hoc piè defuncto, DOMINI CHRISTIANI & IOACHIMI ERNESTI fratrum, &c liberalissimè sum enutritus, ad studia liberalium artium & linguarum asluefactus, in Italia ob studium Medieum ultra triennium sustentatus, & ob singula-

rem amorem ad studia Mathematica , quem quasi hæreditario jure ab Illustrissimo Principe Alberto Marchione Brandenburgico , Duce Borussiæ , &c. à quo etiam tabule prutenice denominatae sunt , acceptum habent , una cum familia mea sustentor adhuc : Qua in re ego cum posteris meis , si qui erunt summam liberalitatem Tantorum Principum extam Illustrissima familia Oriundorum , gratus agnosco , & posteritati mea testam facio , atq; hoc nomine illos , ut dignissimi sunt , quantum in me est , immortales efficio .

Quæ igitur Galilæo , ut primo observatori in Italia sunt sidera Medicea , ea mihi in germania à me primum visa & observata (uti ex præfatione ad lectorem patet) sidera Brandenburgica sunt , atque hoc ob memoriam , ut dixi , tantorum beneficiorum ab hac illustrissima & partim Electorali familia in me liberalissime collocatorum .

Dominus Keplerus in quadam Epistola ad me vocat illos circulatores Ioviales . Dominus David Fabricius , etiam in literis ad me datis , nominat illos Ioviales . Alij circum Ioviales & circum planetares uti videlicet cuique placet . Si qui vero sunt , qui singula nomina singulis imponenda esse contendunt , ijs à me , uti spero , sic satisfiet , scilicet ut is qui maximas digressiones facit , vocetur Saturnus Iovialis . Nam quemadmodum Saturnus Solaris & genuinus longissime præ ceteris planetis à Sole discedit , circuitusque suos exerceat . Ita hic à Iove .

Alter autem qui luminis Majestate & quantitate apparet reliquos asseclas Ioviales superat , quemque ab initio Tertium appellavi , Iupiter Iovialis esto . Secundus sit Venus Iovialis . Primus denique Mercurius Iovialis . Cur autem Martem hic omnino excludam , ideo fit , quia scilicet Iupiter verus inter omnes planetas pro felicissimo habetur , quoad influxū eius in corpora sub lunaria . Mars autem infaustus planeta ab omnibus


omnibus Astrologis traditur nullaque ratione , aut certe  
difficilime cum Iove conciliari potest. Iovi enim ascribun-  
tur sequentia nimirum Iustitia, pietas, æquitas, integritas, le-  
nitas, temperantia, gravitas, & similes virtutes. Martiau-  
tem his omnia contraria : Quin & diligenter hos Ioviales in-  
tuenti , nulla in ipsis Martialis rutilantia apparet , ideoque  
merito ab hoc Ioviali & felici consortio excluditur. Satur-  
num autem quod attinet, licet & hic ab Astrologis pro infau-  
sto planeta agnoscatur , tamen ei melius cum Iove quibus-  
dam in virtutibus convenit , ut in gravitate, patientia, Auto-  
ritate & Majestate, &c. Color etiam hujus Quarti, colori Sa-  
turni Solaris non est absimilis. Quin & hoc notandum, quod  
interdum Iupiter male constitutus , ab Astrologis significare  
existimetur, simulates & hypocrisis; id autē à mixtura hujus  
Saturni Iovialis existere putetur. Forsitan autē non deerunt ,  
quibus haec tenus recensita nomina non placebunt , sed pro-  
prium uniuscuiusq; horum quatuor Iovialium siderum no-  
men ab Astronomis flagitabunt. Ijs etiam in hunc modum  
satisfieri posse puto , quod tamen absque ulla superstitione &  
cum licentia Theologorum factum volo. Iupiter à poëtis ob  
illicitos maximè amores arguitur: In primis autē celebran-  
tur tres fœminæ Virgines , quarum furtivo amore Iupiter  
captus & potitus est , videlicet Io Inachi Amnis filia : Deinde  
Calisto Lycaonis, & deniq; Europa Agenoris filia : Quin et-  
iam impensis amavit Ganymedem puerum formosum,  
Trois Regis filium , adeo etiam ut aslūptâ aquilæ figurâ , il-  
lum humeris impositum , in cœlum transportavit , prout fa-  
bulantur poetæ , in primis autem Ovidius lib. i o. fab. 6. Ita-  
que non male fecisse videor , si Primus à me vocatur Io. Se-  
cundus Europa: Tertius ob luminis Majestatem Ganymedes  
Quartus denique Calisto. Quæ nomina sequenti disticho  
comprehenduntur,

*In Europa, Ganimedes puer, atque Calisto,  
Lascivo nimium per placuere Jovi.*


Huic figmento & proprietatum nominum impositioni occasionem præbuit Dominus Keplerus Cæsareus Mathematicus, quando mense octobri Anni 1613. Ratisbonæ in Comitijs unâ eramus. Quare si per jocum & per amicitiam inter nos tunc initum, illum compatrem hōrum quatuor siderum salutavero, haud male fecero.

Verum uti hēc nomina omnia à me sunt liberè conficta, ita etiam cuique liberum esto, ea vel repudiare vel acceptare.

Tantum de hac primâ libelli hujus parte, sequitur nunc secunda.



SE-



# SECUNDA PARS DE PARTICU- LARI CONSIDERA- TIONE MUNDI JOVIALIS.

**D**icitur quod ea haec tenus à me sunt explicata, brevi-  
bus potius & succinctis verbis, quam longa oratio-  
ne, quæ ab Astronomo considerari solent & de-  
bent: Tempus est ut tandem ad particulares mo-  
tum horum quatuor Jovialium planetarum differentias  
me convertam, quæq; à me haec tenus in illorum motu sunt  
deprehensa & observata, ob oculos ponam & via geometrica  
demonstrem, Sunt autem septem sequentia phænomena,

## I.

Primum phænomenum seu apparentia in his planetis est,  
quod non fixa uno in loco & in una à Jove distantia perpetuò  
versantur, sed moventur circa Jovem, modo orientales; mo-  
do occidentales ab illo existentes,

## II.

Quilibet ex his quatuor Jovialibus peculiarem sive maxi-  
mè elongationis à Jove terminum utrinq; agnoscit. Id inde  
observatum est, quia nunquam duos vel plures congregdi vidi

circa maximam distantiam Quarti. Quanta autem uninclusa  
jusq; vel elongatio, partim ex jam supra dictis constat, & pau-  
lo post ea de re pluribus agam.

III.

Prope Iovem sunt velocissimi, in terminis vero maximæ  
distantiæ, cardi & quasi stationarij.

IV.

Periodicas restitutiones circa Iovem, inæquales depre-  
hendi, propioris celeriorem, remotioris tardiorem.

V.

Post plurimas observationes factas, atq; post comprehensas  
cujuslibet quam proximè periodos revolutionum, animad-  
verti etiam aliud phænomenon. Nimirum quod æqualitate  
motus sui principaliter quidem Iovem; cum Iove autem non  
terram sed Solem respiciant.

VI.

Moventur quidem hi secundarij Ioviales planetæ in linea  
ad Eclipticam parallelâ, quoad totam revolutionem, interim  
tamen ab hac parallela deflectunt, modo in boream, modo in  
austrum, differentia penetibili, præcipue quando duo con-  
juncti cernuntur, alterq; est in accessu, alter vero in recessu  
a Iove.

VII.

Non semper æquali magnitudine cernuntur hi Ioviales  
errores, sed modo majores, modo minores.

Hæc septem *φαινόμενα* à me hactenus in horum Iovialium  
fiderum motu sunt comprehensa, de quibus etiam in sequenti-  
bus sigillatim agam, idque brevibus & succinctis verbis, quia  
eloquentiam mihi natura negavit. Simul etiam per excogita-  
tam à me, uti opinor, convenientem hypothesis, talia salvare  
& demonstrare conabor.

## DE PRIMO.

**N**on opus esse censeo pluribus h̄ic repeterē quæ in præfatione à me dicta sunt: Hoc saltē h̄ic inculco, hoc phēnomenon uti primum, ita omnium facilimum observatu fuisse. Nam de die in diem, imo quasi de hora in horā mutabatur illorum habitudo ad Iovem, sub primas à me factas observationes, videlicet in autumno anni 1609. præcipue autem circa finem ejusdem & initium sequentis anni. Licet enim primum existimarim hæc sidera esse ex fixarum numero, quæ alias absque hoc instrumento cerni nequeunt, tamen quia & tunc erat retrogradus, hæc subita, eaque diversa habitudo ad Iovem me admodum confudit, usque dum tandem dubitare cepi, an revera fixa esse possint nec ne. Cum vero & jam per aliquot gradus retrocessisset, & nihilominus concomitantiam eum Iove horum siderum viderem, cepit me summa admiratio hujus rei, & observationes annotare incepi, interque illas prima fuit observatio 29. Decembris Anni 1609. quo die vesperi horam circiter quintam tres à Iove occidentales in linea cum & quasi recta vidi, postea hanc observationem continuavi usq; huc.

Ex eo etiam certus factus sum hæc sidera Iovem pro centro agnoscere, & circa illum ferri, plane ut ♀ ♀ ♂ & ♀ circa Solem tanquam centrum circumaguntur,

## DE SECUNDO.

**H**oc phēnomenon observatu difficilius erat priore. Requiebantur enim ad hanc rē necessario quam plurimæ observationes. Prius n. necesse erat, ut mihi de numero horū siderum

siderum certo constaret , qua de re vix ante Martium Anni 1610. certus sum factus. Postea cum saltem quatuor talia corpora circa Iovem mobilia pro comperto haberem , juvit me plurimum maxima elongatio Quarti , & in primis diligenter attendebam his sideribus , quando illa erant in maxima remotione. Tertius ut notabiliter major erat etiam observatu facilis , ita ut sine magno labore vel attentione digne-  
retur in sua maxima distantia. De horum duorum maxima elongatione intra mensium 6. spacium confirmatus sum. Re- liqui duo mihi plurimum laboris & negocij exhibuerunt. Cogebat enim expectare tempus , quo omnes quatuor simul cernebantur , & observationes has per aliquot horas continua-  
re, interdum per totum illud spaciū , quo 2 supra Ho-  
rizontem versabatur , si per serenitatem licebat. Atque hac ratione tandem deprehendi : Quartum à Iove 13. minutis u-  
trinque excurrere , ibiq; quasi stare & inde ad Iovem reverti.  
Tertium octo, secundum quinq; : Primum 3.

Ad has maximas elongationes supputatae sunt meæ ta-  
bulæ distantiarum.

Notandum tamen has maximas digressiones rectè se ha-  
bere, quando Iupiter est in quadrato solis , & in media à terris elongatione. Nam circa oppositiones Iovis cum sole , manife-  
stè hæ distantiae augentur. Præcipue autem Quarti , quem 14. minut. non saltem adæquare , sed etiam aliquantulum ex-  
cedere deprehendi. Ita appropinquante sole ad Iovem , vel quando 2 erat extra radios solares , ita ut observari & videri hæc sidera potuerint , inveni has distantias manifeste immi-  
nui & coarctari. Verum cum per instrumentum meum hanc augmentationem & diminutionem dimetiri haec tenus mihi non licuerit : Nescio enim ant tantam admicant observatio-  
nes , quantum quidem diversa elongatio Iovis à terra requi-  
rit; Ideo in præsenti de ea nihil determinare volui , hanc ex-  
quisi-

quisitioribus & diligentioribus observationibus reservatus. Itaque has distantias, quas in tabulis posui, pro mediocribus habendas esse censeo, usque dum de hac etiam differentia, vel ut rectius loquar, de hoc defectu & excessu certo constiterit, sufficiatque candido logistæ, atque harum rerum novarum cœlestium admiratori, theoriam & tabulas habere, ex quibus facilis negocio scire licet, uti spero, quæ ex his sideribus sint orientalia, quæ occidentalia, & in qua circiter à Iove distantia. Incepi quidem hoc anno 1613. etiam de defectu & excessu subtilius cogitare. Accepi autem pro media elongatione Quarti à 4 12. primi 30. secunda. Et postea ad quindenos gradus veræ distantiarum Iovis & Solis supputavi distantiam Iovis à terra in partibus qualium terræ & Solis est 11. & 4 & Solis 60. Insuper ad inventas distantias quæsivi excessum supra medianam & defectum à media elongatione à Iove, quæ contingit, quando Iupiter tantum distat à Sole quantum à terra. Verum calculus intricatior redditus fuisset, ideoque hunc laborem in aliud tempus reservare voleui, interim etiam pluribus observationibus de hoc etiam phænomeno certius confirmabor.

## DE TERTIO.

**H**oc phænomenon etiam facilime deprehendi & observari potest, præsertim quod ad stationem Quarti attinet. Nam is interdum per integrum fere triduum in eadem à Iove maxima distantia, à me deprehensus est, ita ut nulla perceptibilis differentia animadverti potuerit. Prope Iovem vero subito illius, præsertim Tertij distantia variebatur, ut qui ob luminis maiestatem & quantitatem præalijs facile cognoscitur: Hic enim qua horâ hodie erat occidentalis à Iove, eadem horâ sequentis diei orientalis ab eodem fa-

ctus est, & vice versa. In primis autem velocissima motio obser-  
vatur, quando duo prope Iovem conjunguntur, alterque est in accessu, alter vero in recessu. In hac enim consti-  
tutione intra spacium unius & alterius hora manifeste invi-  
cem separantur.

Hoc phænomenon me plurimum juvit in excogitanda  
conveniente theoria, videlicet, quod circulari motu circa  
Iovem ferantur. Hæc enim circularis motus proprietas  
est, ut corpora prope lineam transeuntem per centrum,  
velocissima sint, in tangente vero circulum tardissima &  
quasi stationaria, prout postea in explicatione Theoriæ in-  
dicabitur, & alias in libellis sphericis vulgaribus demon-  
stratur.

## DE QUARTO.

**H**OC opus, hic labor. Nisi enim mihi de Secundo & Ter-  
cio phænomeno certò constitisset, nunquam tempora  
restitutionis periodice indagare potuissim.

Nulla enim ratione in cognitionem periodicæ revo-  
lutionis pervenire potuissim, nisi terminus maximæ elonga-  
tionis à Iove utcunque mihi notus fuisset. Itaque prima  
inquisitio periodici motus fuit Quarti Iovialis Erroris, ut qui  
præ reliquis maxime à Iove elongatur. Per plures ergo obser-  
vationes deprehendi tempus dimidiæ revolutionis, id est, in-  
ter maximam elongationem orientalem & occidentalem,  
idque in diebus saltem.

Nam præcisa esse non poterat, ob tarditatem motus in  
tali ad Iovem situ; nihilominus ab ijs incipiendum erat, que  
erant simpliciora, & facilius observationi patebant: dupli-  
cata post dimidia periodo, resultabat tota periodus restitu-  
nis

nis motus Quarti Iovialis, videlicet Saturni Iovialis, vel Cali-  
stus, quod tempus intra spaciū septem vel octo mensium,  
ad inveni dierū quasi 17. Interim etiam dum hęc inquirō, ecce  
Tertius etiam se prodit, & lumenis sui majestate, & eo ipso,  
quod interdum simul cum Quarto stationarius quasi cerne-  
batur, hic quidem in distantia 13. ille vero octo minutorum:  
Quod cum aliquoties accideret, in Tertiij etiam investigatio-  
nem periodicæ restitutionis devenire incepi, quam etiam  
post integrum annum, id est, circa finem Anni 1610. noctus  
sum, videlicet cursum suum in propriā orbitā circa Iovem  
absolvere spacio 7. dierum. Dumque his rebus exerceor, pau-  
latim in Quarti præcisiorem motus ad sua initia recursum de-  
scendo, ita quidem ut in Martio Anni 1611. crediderim tem-  
pus periodicum comprehendere ultra dies 16. etiam horas 18.  
Tertiij vero putabam tunc dierum 7. horarum 3. & minuto-  
rum 53. Quæ tempora licet exacta non fuerunt, me ta-  
men plurimum juvarunt in inquirendo & enucleando tem-  
pore revolutionis Secundi Iovialis, quem etiam interim de-  
prehenderam non ultra quinque minuta à Iove utrinq; ex-  
currere, idque principaliter factum fuit, quando omnes qua-  
tuor simul cernebantur, & Quartus cum Tertio in maxima  
elongatione versabatur.. Hac ratione, ut paucis me absolvam,  
hactenus incredibili exantlato labore, in cognitionem  
omnium Quatuor Iovialium Planetarum, temporum pe-  
riodicorum, Deo felicem, uti spero, successum largiente,  
perveni, qualia quidem ad presens usque tempus observatio-  
nibus diligentioribus satisfacere scio. De sequentibus annis  
sequentes etiam observationes testabuntur.. Non ego jam  
absolutam certitudinem promitto, fundamenta jeci totius  
hujus negotij non inutilia diligenti horum siderum observa-  
tori, quibus facilime defectus addi, excessus vero rescindi in  
posterum, si quis erit, poterit.

Necessæ enim est quam plures observationes habere , sa-  
tisque longo intervallo inter sese distantes , præcipue autem  
tales, in quibus est eadem habitudo Iovis ad Solem & terram :  
Causa in sequentibus ostendetur.

Non autem sufficiebant maximæ elongationes ad inda-  
gationem temporis periodici , sed adhibui post etiam obser-  
vationes , quæ prope Iovem accidebant , ubi celerior & inci-  
tatiōr est motus horum planetarum secundariorum . Quan-  
tos autem labores sustinuerim , nolo dicere , sed illi soli con-  
stare puto , qui simili in negocio aliquando periculum fecit.  
Itaque plura de hoc phænomeno addere supervacaneum  
duco .

## DE QUINTO.

**D**eprehenso tempore periodico & termino utroque ma-  
ximæ elongationis à Iove , ut in præcedentibus est indi-  
catum , supputavi tabulas tum medij motus circa Iovem ,  
tum etiam distantias utrinque à Iove , credidique hæc omnia  
recte se habere , cæpique , quod dici solet , triumphare ante  
victoriam , ut ex sequentibus candido lectori patebit .

Constitui etiam Epochas medianas motuum ad initium  
anni 1610. ad medianam noctem , præcedentem primum di-  
em Ianuarij , juxta Calendarium Iulianum , quia videlicet uni-  
ca saltem observatio horum siderum in præcedenti anno à  
me annotata erat , nimirum 29. Decembris . Interim etiam  
prodierat in lucem sidereus Nuncius Galilæi , qui mense Iu-  
nio ejusdem anni primum in manus meas devenit : Incepi ex  
tabulis recens compositis calculum subducere , & conferre  
cum meis & Galilæi observationibus . Dum autem accura-  
tius calculum cum observationibus confero , deprehendo  
quibusdam

quibusdam in locis , ijsque satis longo intervallo invicem distantibus , calculum satis exactè congruere , quibusdam vero ab ijs exorbitare , differentia satis perceptibili . Quæ res me valde turbavit , ita quidem ut fere animum desponderim , atque de invenienda hypothesi convenientiे desperarim . Nam tunc temporis adhuc opinabar hos Ioviales motus sui æquilitate terram respicere . Tandem examinavi observationes circa oppositionem Iovis & Solis , & ad illas accommodavi Epochas : Paulatim enim mihi suboriebatur dubitatio , de habitudine horum siderum . Ideo etiam in consilium adhibui observationes circa quadraturas Iovis & Solis , & mox comprehendendi manifestam differentiam , nimirum quantum in una abundabat , tantum in altera deficiebat calculus ab observatis . Resumpto itaque animo de causa cogitare cœpi , & sine magno labore ad inveni rationem hujus phænomeni . Ex Copernico postmodum petivi proportionem orbis Magni ad orbem Iovis , quem inveni talem , nempe qualis 11. ad 60. circiter . Primam enim inæqualitatem , quæ ab Eccentrico existit omnino neglexi , ut quæ meâ quidem sententiâ , in hoc negotio imperceptibilis esset . Eccentricitatem etiâ Solis hic quasi evanescere aut inobservabilem existere putavi . Habitâ ergo dictâ proportione , supputavi tabulam æquationum , prout inferius modum , quo usus fuī , ostensurus sum . Occasionem autem hujus inventi mihi præbuit mea de systemate mundo opino , quæ in genere cum Tychonis consentit , in quam incidi hyeme , quæ erat inter annum 1595. & 1596. quando primum legi Copernicum , quo tempore adhuc eram in schola Sacrifontana , & ne nomen quidem Tychonis , multo minus hypothesis ipsius mihi cognita erat ; quam tandem sequenti anno in Autumno delineatam vidi apud Reverendum & Doctissimum virum M. Franciscum Raphaelem , Ecclesiæ Onoldinæ Pastorem , nunc in Christo quiescentem , quæ deli-

reatio ipsi à quodā studio Witebergā transmissa fuerat. Testes hujus mei invēti complures habeo: Prēter enim modo dictum Eruditissimum virum, omnes etiam tūc temporis Consistorij illustris Assessores quib. post festum paschatis aīi 1596 hypotheses meas cum explicatione præsentavi, quorum etā cōsilio, ab Illustriss. Principe Georgio Friderico March. Brandenburgense laudatissimæ memoriae, peculiaris habitatio in supradicto monasterio mihi concessa est, ut eō commodius hoc studium tractare possem. Insuper Præceptores meos charissimos testor, qui quod ob alias lectiones ipsis non licebat, me tamen libris plurimum in hoc studio juvarunt, quales erant hi, nimirum M. Wenceslaus Gunkfelderus, M. Georgius Hirschbauerus, & Dñs Iohannes Neserus; quorum nomina, quia fatis jam concessere, honoris & gratitudinis ergo ascribere debui & volui, quia de me non saltem in hac parte, sed etiam in alijs quam plurimis, optimè meriti sunt.

Taceo nunc Charissimum Fratrem meum Iacobum, pię memoriae, cui etiam optime de meo studio Astronomico constabat.

Inter alios autem non postremum locum occupat doctissimus & multæ lectionis vir, Dñs Augustinus Lanius, nunc Halæ Saxonum privatam vitam vivens, qui eo tempore organum Heilsbron næ agebat, & propter habitationes vicinas & amicitiam dudum inter nos initam, fere perpetuus mearum actionum inspecto erat. Hæc non ullius gloriae capienda grata hic appono, sed ob malevolorum quorumdam in primis autem unius cuiusdam ineptas & partim impias cavillationes, quem, licet aliter proposueram, ulla refutatione omnino indignum judico, ne scilicet per me alijs viris honestis nomen illius innotescat. Sed

redeo ad propositum.

(\*)

DE

## DE SEXTO.

**H**oc quoque phænomenon manifeste in oculos incurrit, præcipue autem in coniunctione duorum Iovianum, quorum alter erat in accessu, alter in discessu à Iove. Nam quando duo ex his conjunguntur prope Iovem, & utriusque sunt eiusdem affectionis, nimirum discedentes vel accedentes ad Iovem, adeo vicini inter se sunt, ut sese quasi tangant, & pro uno valde lucido agnoscantur.

In primis autem hoc constabat ex coniunctione Quarti & Tertij, quando Tertius versabatur in maxima elongatione, & omni latitudine destituebatur, prout inferius in explicacione Theoræ exemplis & observationibus demonstrabitur. Tarde admodum in cognitionem hujus phænomeni veni, quia Tertij & Quarti conjunctio, non modo rarior esse solet, Tertio, ut dixi, in maxima distantia constituto, sed etiam quia cœlum nubilosum interdum ejusmodi observationem impedit. Prope Iovem licet exactior sit hujus rei observatione, tamen mihi per meum instrumentum difficilior erat, causa in præfatione est indicata.

Postquam vero mihi etiam de hoc phænomeno constaret, nimirum hos Ioviales non semper in linea recta ducta per Iovem Ecclipticæ parallela versari, sed modo in boream, modo in austrum ab hac deflectere, differentia perceptibili, cepi etiam in hoc phænomenon diligentius inquirere, tandemque deprehendi, hos Ioviales in maxima elongatione semper in prædicta linea parallela offendit: extra vero hosterminos semper ab hac declinare, & in superiore quidem parte suæ orbitæ australes esse, in inferiore vero boreales, maximq; hanc inclinationem esse prope Iovem. Quanta autem uniuscujusq; maxima sit, instrumeto meo dimetri non potui,

quia

quia saltem secunda minuta sunt , ego vero me secundorum observatorem non profitear . Hoc tamen notavi , nullum ex his planetis tantam admisisse declinationem à dictâ parallelâ , ut supra vel infra Iovem , in coniunctione cum Iove transire viderim . Major etiam est latitudo Quarti , quam Tertij , & Tertij quam reliquorum duorum . Probabiliter tamen conjectura ex coiunctione prædicta Quarti & Tertij , statuo Quarti maximam latitudinem esse 15. secundorum . Tertij 12. Secundi & Primi 10. Ex hoc fundamento supputavi tabulam latitudinis horum Iovialium siderum , ex qua cum simplici motu planetæ , additis 9 o. gradibus , latitudo cuiuslibet faciliter negocio deponi potest , prout inferius in tabularum usu clarè docebitur .

## DE SEPTIMO.

**H**oc phænomenon non tantum me , sed etiam , uti ex si-  
dereo Nuncio appareat , Galilæum multum exercuit .  
Fateor hoc ego sub initium observationum mearum , præci-  
pue autem anno primo 1610. aliquoties Quartum me non  
annotasse nec etiam vidisse , cum in maxima in primis elonga-  
tione versabatur , quia videlicet adeo exilis fuit , ut difficili-  
lius cerni potuerit .

Causam , propter quam alias majores , alias minores ap-  
pareant sidera hęc Iovalia , allatam probabiliter à Galilæo ,  
non satisfacere huic phænomeno , mox dicam . Infert enim  
ille ; Corpus lunare ambire orbem quendam vaporosum , & densiorem reliquo æthere , prout etiam terram simili-  
lis quidam orbis circumstat . Atque hoc proconfirmato ha-  
bet , ideoque non absimile videri , si eiusmodi etiam orbem  
vaporosum circa corpus Iovis collocari opinetur . Atque hu-  
ius objectu , quando apagei sunt minores apparent , perigei  
vero ,

vero, per ablationem orbis seu attenuationem maiores. Verum hæc locum habere non posse sic demonstro: Si enim vera esset hæc ratio, tunc solum & semper hæc quantitatis visibilis imminutio his loyalibus accideret, quando apogeis sunt, id est, in maxima à terris elongatione: Extra vero hunc situm æquali magnitudine semper cerneretur, quod utrumq; falsum est. Observationes enim testantur non solum in hoc situ, sed etiam in maxima à Iove distantia contingere idem, præcipue autem in Quarto: Si itaq; dicta visibilis quantitatis imminutio ab orbe illo vaporoso existeret, tunc necessario sequeretur, quod talis orbis ultra maximam Quarti à Iove distantiam extenderetur; Siq; ille in tali remotione potis esset sua crassitè lumen Quarti adeo extenuare, ut vix cerni queat, certè pro ratione crassitiei ejusmodi orbis prope Iovem Quartus ~~διστάνσιος~~ prope Iovem nunquam videretur, quod est contra proprias observationes meas, quæ testantur, Quartū sèpissime prope Iovē à me visum & observatum, licet dissimili quantitate apparente. Itaq; remoto à Iove orbe vaporoso longe alia causa hujus phænomeni quærēda est: Quin id quod Galilæus pro cōfirmato & concessò habet de orbe vaporoso circa lunā existente, ego quoq; nego. Nam ex eo tempore, quo utor hoc instrumento, nunquā ullam partem disci lunæ obscuriorem reliquā vidi, præterquam quæ inibi semper eodem modo cernuntur, nullā unquam varietate deprehensâ, quam quæ ab aëris terram ambientis qualitate existit, nec etiam ullæ maculae mobiles in luna vidi, quales in Sole cernuntur.

Quod autem in circumferentia extrema Lunæ nulli hiatus, aut inæqualitates videntur, id non per omnia verum est, licet communiter sic appareat. Vidi ego non raro, cœlo vel aëre serenissimo & purissimo existente, in superiore & boreali sicut etiam in australi parte Lunæ crescentis aliquos anfractus & hiatus, licet valde angustos, ita ut nō nisi potuerint

D

diligent-

diligentissime attendente observari. Item in parte circumferentiae Lunae occidentali, paulo supra medietatem, cernitur manifeste hiatus ad latitudinem digiti transversalis. Vedit etiam Keplerus ejusmodi hiatus in circumferentia Luna in Ecclipsi Solari, vel in disco Solis, anno 1612. in Majo, uti constat ex literis ad me datis. Cur autem plerunque integer circulus, vel circuli pars, ubi Luna dividua est, absq; illis anfractibus & tumoribus apparet, causam eam veram puto, quam Galilaeus pagina 21, recenset, alteram autem plane improbo, ut etiam antea dictum est. Nec mihi obstat phænomenon Eclipsis Solaris Anni 1567. de qua Keplerus multus est in opticis. Non nego tamen interim, aliquando à terra & mari, paulatim & à propria terre vi & ab astris excitata halitus expelli, qui in altissimum aërem sublati, longo tempore durant, usque dum ob altissimi aëris, auræ aethereæ confinis subtilitatem repercussi, & densiores redditi, ad terram redeant, unde copiosæ pluviae exoriuntur; id quod plerumq; post longam & continuam siccitatem accidere solet.


Genuinam igitur & veram causam incrementi & decrementi quantitatis apparentis horum siderum hanc esse censeo; videlicet quod illuminentur à Sole eo modo, quo luna, ♀ ♂ ⚡ & Iupiter ipse, & medietas obversa Soli semper lucida sit, altera aversa obscura, & quod corpus Iovis umbram projectat. Iudico etiam quatuor sidera Brandenburgica imitari plane Lunam, & dupli modo illuminari, & à Sole & à vicino Iove: quin & subtilitate & nobilitate materia inter se differre, & superficie omnium politissima & materia nobilitate cæteris antecellere Tertium, ut qui fortissime radios solares exceptos repercutiat, præsertim quando in inferiore parte suæ orbitæ prope limites extremos versatur. Quartum autem ex obscuriore materia, & superficie non ita polita constare puto, indeque fieri, ut radios solares

non

non tam fortiter repercutere valeat. Simile videre est in Veneri, quod dum falcata est, nihilominus fortissime radios Solaris ob materię nobilitatę & superficiem politissimā repercutit, quod nullatenus in Saturno fit. Quod autem dicta sidera Iovialia interdum majora, interdum minora apparent, causa est diversa positio ad Solem, Iovem & terram. Verisimile est enim idem accidere his Iovialibus planetis cum Iove, quod terrae cum Luna. Inventum enim est Mæstlini Lunam illuminari à terra in parte obscurā, prout constat ex opticis Kepleri. Itaque Ioviales hi errores dupli modo irradientur, & à Sole & à Iove. Iovis autem ejaculatio ascitij luminis ad suos satellites imbecillis admodum est, tum quod Iupiter minor existat quam terra, tum vero maxime quod Iupiter longe remotior sit à Sole, quam terra, ut cuius distantia sexies vel quintuplies quasi superat distantiam terrae & Solis, ideoque etiam lumen Solis minus efficaciter tum ipsi Iovi tum etiam planetis Iovialibus communicatur, & abijs repercutitur. Quare diversam hanc quantitatem visibilem in diversam habitudinem horum siderum ad  $\textcircled{4}$  &  $\odot$  cum terrae rejciendam esse puto, præcipue quando in maxima elongatione à Iove vel circiter versantur, id quod in Quarto omnium maxime observatur. Sunt enim hęc sidera quasi quatuor aliae lunae, & aspicienti ex Iove non aliter apparent, quam nobis Luna ē terra, hoc saltem discrimine, quod in qualibet revolutione sive plenilunio fiat Ecclipsis horum siderum, de quo paulo post. Quod autem prope Iovem simile quid illis accidit, ut non tantum minoris appareat, sed uti verisimile appetet, plane obscurentur vel eclipsentur, vel hinc patet. Corpus Iovis non est pellucidū, uti nec Veneris aut Mercurij. Ideo umbrā projicit in aversam partem à Sole. Quam longe autem eiusmodi umbra extendatur, & an omnes quatuor semel in una revolutione illā incurran, & Eclipsentur, nec ne paucis, quam fieri potest, nunc demonstrabo.


Secundum observata & inventa Tychonis Brahe summi Astronomi, comprehendit diameter Solis, diametro terræ 5. cum  $\frac{1}{5}$  proxime. Qualium itaque diameter terræ est 1718. milliarum germanicorum, uti ab initio præsupposui, talium erit diameter Solis 8876. Dimidia itaque diameter solis 4438. corundem. Dixi etiam ab initio diametrum Iovis continere 1000. mil. ger. Præterea assumpta est distantia Iovis & Solis 60. partium, qualium Solis & terræ est undecim. Secundum hanc proportionem brevissime rimabor longitudinem diametri umbræ, ulterius à Iove in aversam partem à Sole extensa, videlicet longitudinem lineæ G E.

In apposito schemate sit semidiameter Solis A F, semidiameter Iovis C G. distantia Solis & Iovis F G. Subtraho semidiametrum Iovis C G, 500. millia. german. de semidiametro solis A F 4438. millia. germ. restat A H 3938. Dico nunc: ut se habet A H 3938. ad H C vel F G. 60. Ita se habet C G 500. ad G E: facta operatione producuntur in quotiente  $7\frac{67}{100}$  vel ut facilior fiat fractio  $7\frac{7}{10}$  qualium F G est 60. Ut autem patescat hæc longitudo etiam in milliaribus germanicis sic proceditur, dicendo: Undecim partes, id est, distantia Solis & terræ dant 1150. semidiamet. terræ, quot semidiametros terræ dabunt  $7\frac{7}{10}$  partes modo inventæ. Operatione factâ prodeunt 805. quibus multiplicatis per 859. millia. germ. semidiam. terræ, producuntur 691495. mill. germ. nimurum longitudine lineæ G E.



Præsupposita est autem à me, docentibus sic observatio-  
nibus, maxima elongatio Quarti à Iove 13. minutorum, id  
est, 13000. millia. germ. quæ est in altero  
schema F A vel F G. quæ summa sub-  
tracta à tota F E, relinquit G E 678495.  
mill. germ. Nunc inquit renda est dia-  
meter C D umbræ Iovialis, quando 4 est in  
maxima elongatione à Sole, quod fit hoc  
modo: ut se habet E F 691495. ad F A se-  
midia. 4 500. ita se habet E G 678495.  
ad semid. umbræ C G, quæ provenit 491.  
mil. germ.

Nunc demum videndum an Quar-  
tus in sua maxima distantiâ à Sole, id est,  
sub initium sui motus æqualis versetur  
in umbra Iovis; an vero illam ad latus  
transeat: de reliquis enim tribus non est  
dubium, ob propinquitatem ad Iovem,  
& latitudinis exitatatem. Æstimata est  
autem à me paulo ante in sexto phæno-  
meno maxima latitudo Quarti 15. secun-  
dorum. Qualium igitur diameter Iovis  
est 1000, talium erit G H 250. Ad inventa-  
est etiam diameter Quarti in generali  
consideratione Mundi Iovialis 83. mill.  
ger. erit itaq; semidia: 41. taliū videlicet H I: quæ addita ad ma-  
ximam latitudinem G H 250. conficiunt 291. id est, G I quibus  
Quartus extrema sua circumferentia à diametro umbræ di-  
stat. Cum itaq; G I multo minor sit quam semidiometer um-  
bræ G E, ideo totus Quartus versatur in umbra Iovis & Ecli-  
psatur in illo trāsitu. Quare omnes Quatuor Ioviales sub ini-  
tium sui motus versantur in umbra Iovis & Eclipsantur.



De priore schemate est notandum, quod ob faciliorem operationem eo sic usus fuerim quasi linea GC ducta ex centro Iovis parallela linea FA, ad tangentem ACE, eadem esset cum illa, quae dicitur ex eodem centro ad punctum contactus. Nam in hoc casu est differentia quasi imperceptibilis, nec impedit quidquam, quo minus propositum obtineam. Si enim per punctum contactus duceretur linea ACE tunc umbra prolongaretur, & semidiameter umbrae GC in loco transitus paulo longior redderetur. Quod ob malevalorum cavillationes hic subjungere volui.

Quando itaque Quartus prope umbram Iovalem versatur, & difficilius radios solares excipit, tunc minor apparet quam alias, imo omnino Ecclipsatur, id quod Galilaeum suo instrumento perfectissimo vidisse testantur literae Kepleri ad me missæ. Hoc tamen non raro accidit mihi, ut prope Iovem nullum viderim, post paucas vero horas, viderim planetam Iovalem in notabili à Iove distantia, quae non respondebat motui horis intermedii competenti, sed multum superabat. Ita vice versa interdum vidi planetam in notabili distantiâ à Iove, post elapsas aliquot horas evanuit, cum tamen pro ratione proprij motus adhuc videri debuisse. Verum observationis istius tempora tunc non annotavi. Necesse est autem illud accidere circa quadraturam & Solis, & quidem in occidentali parte Iovis, circa primam, in parte orientali circa ultimam quadraturam & Solis. Ab anno hucusque diligenter attendi in hanc rem, præcipue in Quarto: in reliquis enim mihi permeum instrumentum impossibile est, Eclipsationem eiusmodi intueri, verum nunquam hactenus similis observatio mihi contingere potuit, annitar tamen in posterum, ut etiam de hoc certus fiam.


An autem horum siderum mutua Eclipsatio vel saltem aliqualis privatio luminis Solaris accidere possit, incertus sum,

sum, verisimile mihi tamen videtur. Habeo quidem observationem factam hoc anno 1613. die 7 Februarij hora 10. post merid. quo tempore omnes quatuor cernebantur, tres orientales, & unus, id est, primus occidentalis. Omnes erant valde clari, propter quartum, qui admodum vicinus erat secundo versus Iovem, & australior, & valde subtilis, ita ut vix videri potuerit. Quartus erat in superiore parte suæ orbitæ & in recessu, secundus vero in accessu & inferiore parte, prope illos etiam erat Tertius etiam in accessu, quin & umbra Iovis erat in occidentali parte, quæ huic exilitati luminis causam præbere non potuit. Verisimile est igitur hec duo corpora Tertijs in primis autem Secundi impedivisse, quo minus radij solares fortissimi & liberrimi ad Quartum pervenire & profluere potuerint.

Tantum etiam de hoc septimo & ultimo phænomeno: sicque hanc secundam partem hujus libelli concludo. Nunc restat Theoriæ explicatio, quæ erit Tertia pars, in qua dictæ motus diversitates explicantur & demon- strantur.



TER-



# T E R T I A P A R S.

**O**ST explicatas pro virili priores duas partes huius libelli, supereft tertia, quæ circa declarationem & accommodationem Theoriae cum observationibus, & calculo maxime occupatur, quam etiam in sequentibus breviter & succincte pertexam.


Est autem secundum meam imaginationem Theoria horum quatuor siderum talis, videlicet ut existimem hæc sidera motu & equali & simplici circa Iovem tanquam centrum ferrari, Iovem item cum suis satellitibus non terram sed Solem pro centro agnoscere. Solem autem ipsum quasi in concentrico circa terram moveri præsuppono, non quod revera in concentrico terræ circulo feratur, sed quod eccentricitas ejus in motu apparentiâ siderum Brandenburgicorum evanescat & quasi imperceptibilis reddatur. Insuper statuo initium motus simplicis horum siderum in apageo medio, quando sunt in maxima distantia à Iove indeque versus ortum delabi, sicque periodos suas absolvere.

Faciliores intellectus gratiâ observetur sequens schema, in quo A est Iupiter, circa quem, tanquam centrum sunt delineati orbes quatuor planetarum Iovialium. B est Sol, B A distantia Solis & Iovis, quam etiam constituo 60. talium qualium distantia Solis & terræ est vndeceim. In D sunt planetæ hi ~~duo~~ yea, id est, Iovis maxima distantia à Sole, inde mo-  
ventur

ventur motu simplici & æquali versus ortum ad E , quo in loco sunt stationarij , videlicet in maxima elongatione à Iove , à quo puncto revertuntur ad Iovem usque dum sint in F , scilicet in conjunctione cum Iove : inde versus occasum excurrunt in G , ubi iterum subsistunt quasi , quoad visum , quia tunc moventur in linea contracta , à quo termino tandem ad sua initia in D recurrent , atque tempus restitutio nis periodicæ absolvunt.

Hoc schemate excusat & demonstratur 1. 2. & 3. phænomenon. Primum salvatur sic , videlicet quia hæc sidera circulariter circa Iovem vehuntur , ideo non fixa uno in loco sed modo in hoc , modo in alio situ ad Iovem cernuntur . Secundum phænomenon superius fuit , quod quilibet ex his quatuor Iovialibus peculiarem terminum distantiae utrinque à Iove agnoscat , Quartus quidem distantiam 13. minutorum , Tertius 8. Secundus 5. Primus 3. hujus rei ratio ex adjuncto diagrammate patet. Nam quia experientia docet , hæc sidera circumvolvi circa Iovem circulari motu , manifestum est , quod à D discedentes non longius à Iove recedere possint , versus ortum , quam usque dum in E motu simplici delata fuerint. Idem accidit illis circa G. Quæ hic de orbitâ Quarti dicuntur , ea etiam de reliquorum orbib⁹ intelligenda sunt. In tertio phænomeno dictum fuit hos Ioviales circa

E termi-



terminos maximę distātę, id est, circa E & G esse tardissimos  
& quasi stationarios, prope Iovem vero velocissimos. Ratio  
ex hac delineatā figura manifesta est. Nam quando versantur  
circa maximas remotiones in E & G, moventur in linea quā  
si rectā in E quidem deorsum, in G vero sursum, nullum vel  
exiguum angulum ad terram vel Solem facientes, licet æqua-  
liter eo etiam loci, ratione proprij & simplicis motus in pro-  
pria orbitā moveantur.

Quod autem circa D & F incitatissimi motus sint hi plane-  
tæ Ioviales, clarum est, quod ibidem motu proprio subito ali-  
quem angulum apud terram vel Solem efficiunt, circa D qui-  
dem eentes versus ortum, circa F tendentes ad occasum. Quæ  
res est adeo manifesta, ut uberiore declaracione & demon-  
stratione non egeat, præsertim cum idem etiam in vulgaribus  
libellis sphæricis doceatur, & vel ab incipientibus in Astro-  
nomiâ facile percipi possit.


In prima parte hujus libelli indicata sunt tempora periodi-  
ca horum quator Iovialium siderum. Quarti quidem dierum  
16. horarum 18. minutorum primorum 9. secund. 15. fere. Tertiij  
dierum 7. horarum 3 min. 56. secund. 34. Secundi dierum 3. ho-  
rarum 13. minutorum 18. Primi dici unius, horarum 18. mi-  
nut. primorum 28. secund. 30. Hæcque ex ultima à me facta  
correctione. In quæ tempora periodica si integer circulus, id  
est, 360. gradus dividatur, prodit uniuscuiusque motus sim-  
plex unius diei. Quarti graduum 21. minut. 29. secund. 3. teri.  
30. Tertiij signi unius, graduum 20. primorum 14. secund. 57.  
Primi 5. secundi signi. 3. grad. 11. primorum 17. secund. 22. fere.  
Primi sign. 6. graduum 23. primorum 25. Ex hoc fundamento  
tabulæ simplicium motuum horum siderum Brandenburgi-  
corum à me supputatę sunt, ex quibus ad quodvis tempus da-  
tum, post annum 1608. cuiusq; simplex motus facili negocio  
depromi potest, ut paulo post docebitur.

Nota,

Nota. Possent h̄c pluribus explicari, quæ accidunt in collatione maximarum elongationum à Iove horum siderum. Nam elongatio Tertij maxima est, medium proportionale quam proxime inter elongationem maximam Quarti & Secundi. Ita secundi maxima elongatio est itidem fere medium proportionale inter distantiam maximam Tertij & Primi. Verum, ut dixi, nolo h̄c pluribus de his agere, in aliud tempus ea reservaturus, siquidem, jam saltem prima fundamenta Mundi Iovialis, non tamen spernenda, à me jacta sunt, monere tamen volui.

Constituto hac ratione motu æquali & simplici horum siderum, proximum est ut reliqua adjungantur, quæ ad apparentis motus inquisitionem, sunt necessaria. Inter illa autem pri-mum est, ut inquirantur singulo-rum distantia à Iove, versus ortum in occasum, competentes motui æqua-li in propriâ orbitâ, id quod fit in hunc modum.

Esto in opposita figura A terra vel Sol, quia idem est, quoniam hæ distantiae computantur ad medianam distantiam Terræ & Iovis, quæ est eadem cum distantia Iovis & Solis. B sit centrum Iovis. D initium motus simplicis Quarti (reliquorum eadem est ratio) sitq; in hoc exemplo D E 45. grad. B E semidiamiciter orbis Quarti 13. mi-nut. hinc inquiritur linea E C distantia Quarti à Iove versus ortum congruens



dicto motui simplici. Utar autem methodo simplicissimâ, ob  
faciliorem operationem, nimirum tali.

In triangulo rectangulo E C B , dantur prêter rectum  
E C B , etiam angulus D B B motus simplex planetę, & latus  
B E 13. minutorum, non latebit igitur latus E C . Nam ut sinus  
totonus 100000. ad latus B E 13. ita sinus anguli E B C 70711. ad  
latus E C 9. prim. 12. secund. quę est distantia Quarti à Iove  
versus ortum, competens motui equali 45. graduum, qualis  
etiam in tabula distantiarum reperitur. Hac ratione omnes  
distantię omnium quatuor Planetarum Iovialium ad qui-  
nos gradus motus equalis à me supputatę & in tabulis posi-  
tę sunt.


Non ignoro has distantias aliter supputandas fuisse , at  
mihi sufficit hic modus in hoc casu: Si alicui hęc non placent,  
is experientur aliam & usitatam rationem, deprehendet differ-  
entiā plane imperceptibilem , ob maximam distantiam  
Iovis & terre, & elongationes minimas horum siderum à Io-  
ve , respectu distantię 4 & terræ. Et si quę est differentiola,  
eam omnino indignam tanto labore calculi judicavi , qui in  
altero & magis artificiali modo usurpandus & adhibendus  
fuisse.

Si nunc Iupiter terram pro centro haberet , uti Ptolomeica fert opinio , jam absolutus esset calculus & modus in-  
quirendi distantias Iovialarum à Iove utrinque , per simpli-  
cem enim motum cuiuslibet illa ex tabulis modo constructis  
peteretur. Verum observationes meæ circa quadraturam Io-  
vis & Solis factæ , testantur aliam adhuc inæqualitatem sub-  
esse, & Iovem non terram sed Solem pro centro habere, eum-  
que motus sui æqualitate hęc sidera cum Iove respicere. Qua-  
realia adhuc tabula condenda fuit , quam æquationis tabu-  
lam vocavi.

Deprehenditur autem hęc equatio tali modo : In adjun-  
cto

Et si diagrammate sit A terra, B Sol. C centrum Iovis, sitque linea BC, id est, distantia Solis & Iovis semper 60. partium, qualium BA distantia Solis & terræ presupponitur undecim. Inquendus nunc est angulus ACB, qui est equatio quæsita. Dantur autem in triangulo ABC tria, nimirum AB 11. BC 60. & angulus BAC, qui est distantia vera Iovis & Solis, id est, arcus FB, sitque in hoc exemplo integer quadrans circuli, videlicet 90. gradus. Dico itaque ut se habet latus BC 60. ad sinum anguli BAF 90. graduum, id est 100000. ita se habet latus BA 11. ad sinum anguli quæsiti BCA, factaque operatione prodit sinus istius anguli 18333. cui respondeat arcus 10. graduum 34. minutorum nempe DE, estque ablativus: Nam BCD est linea apogæi medij, inquit; D incipit motus æqualis. ACE vero linea veri apparentis apogæi, à quo numeratur verus motus. Ablato itaque arcu DE ex æquali motu, remanet coæquata lōgitudo planetæ à puncto E, cù quo vera distantia planetæ à Iove ex sua tabula deponenda est.

Scio distantiam Solis & terræ, id est, semidiametrum orbis magni apud Copernicum non esse præcise undecim, sed insuper 30. fere minutorum, itaque angulus BCA evaderet 11. grad. 3. minutorum. Verum enimvero, quia in toto hoc libello præcisionem summam neglexi, sicut & utramque ec-



centricitatem cum Iovis tum Solis , malui undecim saltem  
retinere, ob faciliorem operationem, quin etiam 29. illa mi-  
nuta , quæ sunt differentia inter utrumque angulum , in di-  
stantiâ excerptâ è propria tabula , nullum perceptibilem  
inducunt errorem.

Cum aliquando de omnibus apparentijs in motu horum  
siderum certo constiterit , tunc hæc & alia scrupulose suppul-  
tari poterunt , vel à meipso , vel ab alio aliquo Mathematico,  
ne habeat superstitionis alienorum laborum censor , de quo  
conqueri possit . Hac ratione ex præsupposita hypothesi  
motus longitudinis horum quatuor siderum sunt explicati  
& in tabulas redacti , sufficientq; hæc candido rerum astrono-  
micarum amatori.

Restat nunc compositio & usus tabulæ latitudinis ho-  
rum Iovialium circulatorum . Dictum est autem in se-  
cunda parte phænomeno sexto , hos planetas in terminis  
maximarum utrinque elongationem à Iove versari in linea  
transente per centrum Iovis , Eclipticæ seu via Solari pa-  
rallelâ . Quando vero constituuntur in linea ex Sole per  
Iovem ductâ , in maxima latitudine versari , in apogæo  
quidem versus austrum , in perigæo vero versus boream  
existentes.

Supputavi autem hanc tabulam latitudinis ad quinde-  
nos gradus motus æqualis à termino maximæ distantiae oc-  
cidentalis incipientis , in hunc videlicet modum : Ut se habet  
integer quadrans , id est , sinus totus ad sinum maximæ latitu-  
dinis , ita se habet sinus certæ alicujus elongationis ab alter-  
utro termino maximæ distantiae à Iove , ad sinum latitudinis ,  
dictæ distantiae vel arcui competentis.

E X E M P L I G R A T I A : Cupio scire latitudinem Quarti  
ad gradus 45. distantia à termino occidentali . Dico , ut se ha-  
bet sinus totus 1000000 , ad sinum 15. secundorum , vi-  
delicet

delicet 727, ita se habet sinus graduum 45. nimirum 7071068.  
ad sinum latitudinis quæsitę 514. cui responderet arcus 11. se-  
cundorum, scilicet latitudo desiderata, prout etiam in tabula  
latitudinis videre est.

Absolvi nunc ea omnia , D E I auxilio, quæ ad calculum  
longitudinis & latitudinis horum siderum Iovialium neces-  
saria erant. Super est nunc , ut usum tabularum monstrem,  
qui est principalissimus scopus hujus libelli, & qui procul du-  
bio à studio so logistā avide exspectatur.

Includam autem totam calculi methodum , paucis qui-  
busdam regulis , ut facilior reddatur , & melius memorā  
teneatur.

## METHODVS

S U P P U T A N D I   E X   S E-  
Q U E N T I B U S   T A B U L I S   S I T U M   H O-  
R U M   S I D E R U M   A D   I O V E M ,   C U M   S E C U N D U M  
longitudinem, tum etiam lati-  
tudinem.,

### I.

O Mnes dati temporis species completæ accipiendę sunt,  
quod sit subtrahendo unitatem ab anno , mense & die  
dato, ut etiam aliàs fieri solet.

### II.

Annum & diem ordior à media nocte precedente Calen-  
das Ianuarij, more Romano, quem etiam Reniholdus in suis  
tabulis retinuit.

### III. Ac-

### III.

Accommodato sic tempore ad tabulas : Primo cum annis completis accipiuntur Epochæ , ex tabula Epocharum. His adjunguntur motus simplices mensibus , diebus , horis & minutis datis competentes. Post omnia in unam summam redigantur, planetæ apud Astronomos moris est. Puerile esset hic omnia sigillatim repetere & docere. Sicque habetur motus æqualis planetæ alicujus: Anni bisextilis habeatur ratio, in tabula mensium.

### IV.

Inquiratur distantia Iovis & Solis , subtrahendo locum Iovis à loco Solis.

### V.

Cum hac distantia quæratur equatio , ex tabula equatio-  
nis. Observandum tamen , partem proportionalem esse acci-  
piendam , si numerus distantiae Iovis & Solis in tabula non  
précise habetur. Notandum etiam per quot gradus numerus  
à numero proximo distet in dicta tabulâ.

### VI.

Hec equatio subtrahenda est ab equali motu planetæ,  
quando distantia Iovis & Solis est minor sex signis : In altera  
autem medietate addenda est , & habetur coequatus motus  
planetæ.

### VII.

Cum hoc coequato motu ex tabula distantiarum decer-  
patur distatia, quæ erit versus ortum, coequato motu minore  
existente sex signis ; versus occidentem vero in reliquis sex  
signis vel semicirculo altero , & habetur quæsita distantia pla-  
netæ à Iove. Pars proportionalis non negligatur in excerpten-  
da distantia.

Hæ tabule & Epochæ mediorum motuum sunt suppeditatae  
ad Meridianum Onoltzbacensem, qui abest à primo meridia-  
no gradibus 34. minut. 45. vel qui distat à Meridiano Noriber-  
gensii versus occasum duobus minutis unius horæ.

PRO

# PRO LATITUDINE INDAGANDA.

**M**otui simplici non coæquato addantur tria signa, & resultat distantia planetæ à termino maximæ remotionis occidentalis: cum qua ex tabula latitudinis de promatur quæ sita latitudo, quæ erit australis, quando dicta distantia est minor sex signis, borealis quando major.

## *Exemplum.*

**A**NNO 1613. die primo Aprilis, hora 8. post meridiem, erant omnes quatuor Ioviales planetæ in maximâ distantia à Iove. Quartus & Secundus erat in maxima distantia orientali: Tertius & Primus in maxima distantia occidentali.

Tempus compleatum & accommodatum ad tabulas est tale: Annus 1612. Mensis Martius, dies nullus, horæ 20. Huic tempori respondent motus æquales sequentes:

|         | Sig. | Gr. | Min. |
|---------|------|-----|------|
| Primi   | 8.   | 29. | 21.  |
| Secundi | 3.   | 2.  | 31.  |
| Tertij  | 9.   | 6.  | 3.   |
| Quarti  | 2.   | 13. | 18.  |

Iupiter erat in 18. gradu virginis, Sol in 22. gradu Arietis. Est itaque distantia signorum 7. graduum 4. Non curo minuta in hoc casu. Huic respondet æquatio 5. grad. 52. min. addenda, sicuti etiam litera A in fronte tabulæ indicat. Sunt ergo motus coæquati tales:

|         | Sig. | Gr. | Min. |
|---------|------|-----|------|
| Primi   | 9.   | 5.  | 13.  |
| Secundi | 3.   | 8.  | 23.  |
| Tertij  | 9.   | 11. | 55.  |
| Quarti  | 2.   | 19. | 10.  |

F

His

His coequatis motibus competunt ex tabula distantiarum,  
factâ ubiq; correctione,distantiæ sequentes:

|         | Prim. | Sec. |         |
|---------|-------|------|---------|
| Primi   | 2     | 59   | Occid.  |
| Secundi | 4     | 56   | Orient. |
| Tertij  | 7     | 49   | Occid.  |
| Quarti  | 12    | 44   | Orient. |

Id est, quam proxime in maxima elongatione omnes qua-  
tuor,

### Aliud.

Eodem anno 1613. die 14. Februarij hora 7. post merid. erat  
situs horum siderum ad Iovem talis: Tertius & lucidus abe-  
rat versus ortum 7. min. quasi. Secundus ferè quinq; prope  
illū versus Iovem, aderat subtilis & borealior, videlicet Quar-  
tus. Versus occasum à Iove distabat Primus 3. quasi minutis.

Tempus accommodatum ad tabulas est tale. Annus 1612.  
mensis Ianuár. dies 13. horæ 19. Motus simplices sunt.

|         | Sig. | Gr. | Min. |
|---------|------|-----|------|
| Primi   | 8.   | 23. | 42.  |
| Secundi | 3.   | 18. | 57.  |
| Tertij  | 4.   | 2.  | 29.  |
| Quarti  | 5.   | 14. | 49.  |

Distantia Iovis & Solis erat 5 signorum 12. graduum. Äqua-  
tio 3. gr. 15. min. subtrahenda: Ergo coequati motus.

|         | Sig. | Gr. | Min. |
|---------|------|-----|------|
| Primi   | 8.   | 20. | 27.  |
| Secundi | 3.   | 15. | 24.  |
| Tertij  | 3.   | 29. | 14.  |
| Quarti  | 5.   | 11. | 34.  |

His

His respondent distantiae sequentes

|         | Prim. | Sec. |         |
|---------|-------|------|---------|
| Primi   | 2     | 57   | Occid.  |
| Secundi | 4     | 48   | Orient. |
| Tertij  | 7     | 0    | Orient. |
| Quarti  | 4     | 8    | Orient, |

## PRO LATITUDINE.

**I**N proximo exemplo est Quartus borealis, quia Secundus fit quasi in maxima distantia orientali, ideoque caruit latitudine: Addo igitur tria signa ad motum simplicem Quarti, & resultat elongatio à termino occid. 8.sig. 14.grad. 49, min. cui competit latitudo 14.secundorum borealis.

## ALIVD PRO LATI- TUDINE.

**E**odem anno 1613. die 20. Ianuarij hora 6. mane erat Tertius in maxima elongatione occidentali, prope eum versus Iovem in distantia quasi unius minutus, erat Quartus, verum australis. Ad id tempus erat medius motus utriusque.

|        | Sig. | Gr. | Min. |
|--------|------|-----|------|
| Tertij | 9    | 9   | 3    |
| Quarti | 11   | 5   | 24   |

Aequatio ratione distantiae Iovis & Solis erat 7. grad. 34. Minutorum subtrahenda. Erant itaque coæquati motus,

|        | Sig. | Gr. | Min. |
|--------|------|-----|------|
| Tertij | 9    | 1   | 29   |
| Quarti | 10   | 27  | 50   |
| F 2    |      |     | Ergo |

Ergo distantia Tertiij 8. primorum, Quarti 6. primorum,  
53. secundorum, utriusq; versus occasum: Versus ortum erat  
secundus & primus, quam proximi inter se. Additis nunc  
tribus signis ad medium motum Quartii, & rejectis 12. signis,  
seu integro circulo, resultat elongatio Quartii à termino oc-  
cidentalí, sig. 2. grad. 5. min. 24. cui respondet latitudo australis  
13. secundorum.

In proxima, & si opus fuerit, correctiore editione hujus  
libelli, plurimas observationes candido logistæ communica-  
bo, præsertim factas circa utramque quadraturam Iovis &  
Solis, & circa oppositionem eorundem, quibus mediantibus  
in futuris annis hæ meæ tabulæ corrigi atque emendari po-  
terunt.



#### APPENDIX PERTINENS,

Id est,

RATIO INQUIRENDI LO-  
CVM JOVIS ET SOLIS, ATQUE  
ita utriusq; distantiam, absque Eph-  
emeribus.

Cum videam in quam plurimorum manibus jam versa-  
ri perspicillum belgicum, ideo ut & ij, qui Ephemerides  
habere nequeunt, his meis tabulis uti possent, se-  
quentem brevem appendicem sub-  
jungere volui.

I. PRO

*PRO LOCO SOLIS IN-  
DAGANDO.*

**I**N Calendarijs meis annuis, singulis mensibus annotatur dies introitus Solis in certum signum Zodaici. Si itaque ab illo die exclusive usq; ad propositum diem inclusive numeraveris, pro quolibet die accipiendo gradum unum, habebis signum & gradum Solis.

*PRO LOCO JOVIS.*

**A**NTE omnia notum sit tibi signum Iovis , quod facile colligere poteris itidem ex meis Calendarijs, quando Iupiter Lunæ jungitur: tunc enim Jupiter & Luna in eodem versantur signo : Ut autem gradum Iovis utcunque habeas, sic procede : Ad datum diem vel ei proximum ( spacio enim duorum vel trium dierum parum variatur locus Iovis ) vide an Luna aliquem aspectum faciat ad Iovem ; Si horæ aspectus sunt pomeridianæ, id est, quando numerus horarum ad dextram characteris Iovis extat , tunc pro singulis duabus horis accipies gradum unum : hos gradus adde gradibus Lunæ, quales signati sunt ad singulos dies sub titulo ( Mondslauff ) retento tamen semper signo Iovis. Si vero numerus horarum ad sinistram characteris Iovis reperitur , tunc illas horas subtrahē de duodecim , & remanent horæ à meridie retrò numerandæ : pro quibuslibet duabus horis itidem accipiendus est unus gradus , hæcque summa ab ijs gradibus subtrahenda est , qui diei dato in meridie assignati sunt , & habetur gradus signi, quod Jupiter occupat.

Subtracto tandem signo & gradu Iovis , à signo & gradu  
Solis, patefit distantia Iovis & Solis.

E X E M P L V M    P R I-  
M V M .

D A T U R dies primus Aprilis : Mense præcedente Mar-  
tio, die decimo assignatur ingressus Solis in Arietem.  
Ab eo die exclusivè numerando usque in primum Aprilis in-  
clusive, comprehenduntur 22, dies : itaque Sol est ad datum  
diem in 22. gradu Arietis.

Insuper ex coniunctione Iovis & Lunæ , quæ accidit die  
24. Martij manifestum fit, tunc Iovem fuisse in libra Die vero  
dato, id est, 1. Aprilis, horis quinque post meridiem erat tri-  
nus Iovis & Lunæ , his horis respondent duo gradus cum di-  
midio, qui additi ad quindecim gradus, qui sunt assignati in  
meridie eiusdem diei, producunt 18. q. gradus : Itaque in 18.  
gradu libræ versabatur tunc Iupiter. Subtracto nunc signo &  
gradu Iovis ex signo & gradu Solis , remanet quæsita distan-  
tia Iovis & Solis 7. signorum, 4. graduum, qualis etiam  
supra ex Ephemeridibus inventa & deprompta est.



Sequuntur nunc tabulæ ipsæ , supputatae ad meri-  
dianum Onoldinum , qui à Noribergâ ver-  
sus occasum distat duobus minutis  
unius horæ.

EPO-



E P O C H A E  
QUATUOR PLANETA-  
RUM JOVIALIUM IN ANNIS  
C O M P L E T I S.

|      | Primi |     |    | Secundi |     |    | Tertiū |     |    | Quarti |     |    |
|------|-------|-----|----|---------|-----|----|--------|-----|----|--------|-----|----|
|      | sig.  | gr. | m. | sig.    | gr. | m. | sig.   | gr. | m. | sig.   | gr. | m. |
| 1608 | 10    | 20  | 35 | 7       | 22  | 20 | 1      | 26  | 13 | 7      | 3   | 13 |
| 1609 | 1     | 17  | 40 | 4       | 3   | 11 | 1      | 8   | 40 | 4      | 15  | 0  |
| 1610 | 4     | 14  | 45 | 0       | 14  | 2  | 0      | 19  | 37 | 1      | 26  | 47 |
| 1611 | 7     | 11  | 50 | 8       | 24  | 53 | 0      | 0   | 34 | 11     | 8   | 34 |
| 1612 | 5     | 2   | 20 | 8       | 17  | 1  | 1      | 1   | 45 | 9      | 11  | 50 |
| 1613 | 7     | 29  | 25 | 4       | 27  | 52 | 0      | 12  | 42 | 6      | 23  | 37 |
| 1614 | 10    | 26  | 30 | 1       | 8   | 43 | 11     | 23  | 38 | 4      | 5   | 24 |
| 1615 | 1     | 23  | 35 | 9       | 19  | 34 | 11     | 4   | 35 | 1      | 17  | 11 |
| 1616 | 11    | 14  | 5  | 9       | 11  | 42 | 0      | 5   | 47 | 11     | 20  | 27 |
| 1617 | 2     | 11  | 10 | 5       | 22  | 33 | 11     | 16  | 44 | 9      | 2   | 14 |
| 1618 | 5     | 8   | 15 | 2       | 3   | 24 | 10     | 27  | 41 | 6      | 14  | 1  |
| 1619 | 8     | 5   | 20 | 10      | 14  | 15 | 10     | 8   | 38 | 3      | 25  | 48 |
| 1620 | 5     | 25  | 50 | 10      | 6   | 23 | 11     | 9   | 50 | 1      | 29  | 4  |
| 1621 | 8     | 22  | 55 | 6       | 17  | 14 | 10     | 20  | 47 | 11     | 10  | 51 |
| 1622 | 11    | 20  | 0  | 2       | 28  | 5  | 10     | 1   | 44 | 8      | 22  | 38 |
| 1623 | 2     | 17  | 5  | 11      | 8   | 56 | 9      | 12  | 41 | 6      | 4   | 25 |
| 1624 | 0     | 7   | 35 | 11      | 1   | 4  | 10     | 13  | 53 | 4      | 7   | 41 |
| 1625 | 3     | 4   | 40 | 7       | 11  | 55 | 9      | 24  | 50 | 1      | 19  | 28 |
| 1626 | 6     | 1   | 45 | 3       | 22  | 46 | 9      | 5   | 47 | 11     | 1   | 47 |
| 1627 | 8     | 28  | 50 | 0       | 3   | 37 | 8      | 16  | 44 | 8      | 13  | 2  |
| 1628 | 6     | 19  | 20 | 11      | 25  | 45 | 9      | 17  | 56 | 6      | 16  | 18 |
| 1629 | 9     | 16  | 25 | 8       | 6   | 36 | 8      | 28  | 53 | 3      | 28  | 5  |
| 1630 | 0     | 13  | 30 | 4       | 17  | 27 | 8      | 9   | 50 | 1      | 9   | 52 |

*JN MENSIBVS ANNI  
COMMVNIS.*

|                   | <i>Primi</i> |            |           | <i>Secundi</i> |            |           | <i>Tertij</i> |            |           | <i>Quarti</i> |            |           |
|-------------------|--------------|------------|-----------|----------------|------------|-----------|---------------|------------|-----------|---------------|------------|-----------|
|                   | <i>sig.</i>  | <i>gr.</i> | <i>m.</i> | <i>sig.</i>    | <i>gr.</i> | <i>m.</i> | <i>sig.</i>   | <i>gr.</i> | <i>m.</i> | <i>sig.</i>   | <i>gr.</i> | <i>m.</i> |
| <i>Januarius</i>  | 6            | 5          | 55        | 8              | 19         | 59        | 3             | 27         | 43        | 10            | 6          | 1         |
| <i>Februarius</i> | 4            | 1          | 35        | 7              | 6          | 7         | 2             | 24         | 42        | 6             | 7          | 34        |
| <i>Martius</i>    | 10           | 7          | 30        | 3              | 26         | 6         | 6             | 22         | 25        | 4             | 13         | 35        |
| <i>Aprilis</i>    | 9            | 20         | 0         | 9              | 4          | 48        | 8             | 29         | 54        | 1             | 28         | 7         |
| <i>Majus</i>      | 3            | 25         | 55        | 5              | 24         | 47        | 0             | 27         | 37        | 0             | 4          | 8         |
| <i>Junius</i>     | 3            | 8          | 25        | 11             | 3          | 29        | 3             | 1          | 6         | 9             | 18         | 39        |
| <i>Julius</i>     | 9            | 14         | 20        | 7              | 23         | 29        | 7             | 2          | 49        | 7             | 24         | 40        |
| <i>Augustus</i>   | 3            | 20         | 15        | 4              | 13         | 28        | 11            | 0          | 33        | 6             | 0          | 41        |
| <i>September</i>  | 3            | 2          | 45        | 9              | 22         | 10        | 1             | 8          | 1         | 3             | 15         | 13        |
| <i>October</i>    | 9            | 8          | 40        | 6              | 12         | 10        | 5             | 5          | 45        | 1             | 21         | 14        |
| <i>November</i>   | 8            | 21         | 10        | 11             | 20         | 52        | 7             | 13         | 13        | 11            | 5          | 46        |
| <i>December</i>   | 2            | 27         | 5         | 8              | 10         | 51        | 11            | 10         | 57        | 9             | 11         | 47        |

anno C. vi

*JN MENSIBVS ANNI  
BISEXTILIS.*

|                   | <i>Primi</i> |            |           | <i>Secundi</i> |            |           | <i>Tertij</i> |            |           | <i>Quarti</i> |            |           |
|-------------------|--------------|------------|-----------|----------------|------------|-----------|---------------|------------|-----------|---------------|------------|-----------|
|                   | <i>fig.</i>  | <i>gr.</i> | <i>m.</i> | <i>fig.</i>    | <i>gr.</i> | <i>m.</i> | <i>fig.</i>   | <i>gr.</i> | <i>m.</i> | <i>fig.</i>   | <i>gr.</i> | <i>m.</i> |
| <i>Januarius</i>  | 6            | 5          | 55        | 8              | 19         | 59        | 3             | 27         | 43        | 10            | 6          | 1         |
| <i>Februarius</i> | 10           | 25         | 0         | 10             | 17         | 24        | 4             | 14         | 57        | 6             | 29         | 4         |
| <i>Martius</i>    | 5            | 0          | 55        | 7              | 7          | 21        | 8             | 12         | 40        | 5             | 5          | 5         |
| <i>Aprilis</i>    | 4            | 13         | 25        | 0              | 16         | 5         | 10            | 20         | 9         | 2             | 19         | 36        |
| <i>Majus</i>      | 10           | 19         | 20        | 9              | 6          | 4         | 2             | 17         | 52        | 0             | 25         | 38        |
| <i>Junius</i>     | 10           | 1          | 50        | 2              | 14         | 46        | 4             | 25         | 21        | 10            | 10         | 9         |
| <i>Julius</i>     | 4            | 7          | 45        | 11             | 4          | 46        | 8             | 23         | 4         | 8             | 16         | 10        |
| <i>Augustus</i>   | 10           | 13         | 40        | 7              | 24         | 45        | 0             | 20         | 48        | 6             | 22         | 11        |
| <i>September</i>  | 9            | 26         | 10        | 1              | 3          | 27        | 2             | 28         | 16        | 4             | 6          | 43        |
| <i>October</i>    | 4            | 2          | 5         | 9              | 23         | 27        | 6             | 26         | 0         | 2             | 12         | 44        |
| <i>November</i>   | 3            | 14         | 35        | 3              | 2          | 9         | 9             | 3          | 28        | 11            | 27         | 15        |
| <i>December</i>   | 9            | 20         | 30        | 11             | 22         | 8         | 1             | 1          | 12        | 10            | 3          | 16        |

G

In

IN DIEBUS.

| Dier | Primi |     |    | Secundi |     |    | Tertij |     |    | Quarti |     |    |
|------|-------|-----|----|---------|-----|----|--------|-----|----|--------|-----|----|
|      | sig.  | gr. | m. | sig.    | gr. | m. | sig.   | gr. | m. | sig.   | gr. | m. |
| 1    | 6     | 23  | 25 | 3       | 11  | 17 | 1      | 20  | 15 | 0      | 21  | 29 |
| 2    | 1     | 16  | 50 | 6       | 22  | 35 | 3      | 10  | 30 | 1      | 12  | 58 |
| 3    | 8     | 10  | 15 | 10      | 3   | 52 | 5      | 0   | 45 | 2      | 4   | 27 |
| 4    | 3     | 3   | 40 | 1       | 15  | 10 | 6      | 21  | 0  | 2      | 25  | 56 |
| 5    | 9     | 27  | 5  | 4       | 26  | 27 | 8      | 11  | 15 | 3      | 17  | 25 |
| 6    | 4     | 20  | 30 | 8       | 7   | 44 | 10     | 1   | 30 | 4      | 8   | 55 |
| 7    | 11    | 13  | 55 | 11      | 19  | 2  | 11     | 21  | 45 | 5      | 0   | 23 |
| 8    | 6     | 7   | 20 | 3       | 0   | 19 | 1      | 12  | 0  | 5      | 21  | 52 |
| 9    | 1     | 0   | 45 | 6       | 11  | 37 | 3      | 2   | 15 | 6      | 13  | 21 |
| 10   | 7     | 24  | 10 | 9       | 22  | 54 | 4      | 22  | 30 | 7      | 4   | 50 |
| 11   | 2     | 17  | 35 | 1       | 4   | 11 | 6      | 12  | 44 | 7      | 26  | 19 |
| 12   | 9     | 11  | 0  | 4       | 15  | 29 | 8      | 2   | 54 | 8      | 17  | 49 |
| 13   | 4     | 4   | 25 | 7       | 26  | 46 | 9      | 23  | 14 | 9      | 9   | 18 |
| 14   | 10    | 27  | 50 | 11      | 8   | 4  | 1      | 13  | 30 | 10     | 0   | 47 |
| 15   | 5     | 21  | 15 | 2       | 19  | 21 | 1      | 3   | 44 | 10     | 22  | 16 |
| 16   | 0     | 14  | 40 | 6       | 0   | 38 | 2      | 23  | 59 | 11     | 13  | 45 |
| 17   | 7     | 8   | 5  | 9       | 11  | 56 | 4      | 14  | 14 | 0      | 5   | 14 |
| 18   | 2     | 1   | 30 | 0       | 23  | 13 | 6      | 4   | 29 | 0      | 25  | 43 |
| 19   | 8     | 24  | 55 | 4       | 4   | 31 | 7      | 24  | 44 | 1      | 18  | 12 |
| 20   | 3     | 18  | 20 | 7       | 15  | 48 | 9      | 14  | 59 | 2      | 9   | 41 |
| 21   | 10    | 11  | 45 | 10      | 27  | 5  | 11     | 5   | 13 | 3      | 1   | 10 |
| 22   | 5     | 5   | 10 | 2       | 8   | 23 | 0      | 25  | 29 | 3      | 22  | 39 |
| 23   | 11    | 28  | 35 | 5       | 19  | 40 | 2      | 15  | 44 | 4      | 14  | 8  |
| 24   | 6     | 22  | 0  | 9       | 0   | 58 | 4      | 5   | 59 | 5      | 5   | 37 |
| 25   | 1     | 15  | 25 | 0       | 12  | 15 | 5      | 26  | 14 | 5      | 27  | 6  |
| 26   | 8     | 8   | 50 | 3       | 23  | 32 | 7      | 16  | 29 | 6      | 18  | 35 |
| 27   | 3     | 2   | 15 | 7       | 4   | 50 | 9      | 6   | 44 | 7      | 10  | 4  |
| 28   | 9     | 25  | 40 | 10      | 16  | 7  | 10     | 26  | 59 | 8      | 1   | 33 |
| 29   | 4     | 19  | 5  | 1       | 27  | 25 | 0      | 17  | 14 | 8      | 23  | 3  |
| 30   | 11    | 12  | 30 | 5       | 8   | 42 | 2      | 7   | 28 | 9      | 14  | 32 |
| 31   | 6     | 5   | 55 | 8       | 19  | 59 | 3      | 27  | 43 | 10     | 6   | 1  |

IN HORIS.

| Hour | Primi |     |    | Secundi |     |    | Tertij |     |    | Quarti |     |    |
|------|-------|-----|----|---------|-----|----|--------|-----|----|--------|-----|----|
|      | fi.   | gr. | m. | fi.     | gr. | m. | fi.    | gr. | m. | fi.    | gr. | m. |
| 1    | 0     | 8   | 28 | 0       | 4   | 13 | 0      | 2   | 6  | 0      | 0   | 54 |
| 2    | 0     | 16  | 57 | 0       | 8   | 26 | 0      | 4   | 11 | 0      | 1   | 47 |
| 3    | 0     | 25  | 26 | 0       | 12  | 40 | 0      | 6   | 17 | 0      | 2   | 41 |
| 4    | 1     | 3   | 54 | 0       | 16  | 53 | 0      | 8   | 23 | 0      | 3   | 35 |
| 5    | 1     | 12  | 23 | 0       | 21  | 6  | 0      | 10  | 28 | 0      | 4   | 28 |
| 6    | 1     | 20  | 51 | 0       | 25  | 19 | 0      | 12  | 34 | 0      | 5   | 22 |
| 7    | 1     | 29  | 20 | 0       | 29  | 33 | 0      | 14  | 39 | 0      | 6   | 16 |
| 8    | 2     | 7   | 48 | 1       | 3   | 46 | 0      | 16  | 45 | 0      | 7   | 9  |
| 9    | 2     | 16  | 17 | 1       | 7   | 59 | 0      | 18  | 51 | 0      | 8   | 3  |
| 10   | 2     | 24  | 45 | 1       | 12  | 12 | 0      | 20  | 56 | 0      | 8   | 57 |
| 11   | 3     | 3   | 14 | 1       | 16  | 25 | 0      | 23  | 2  | 0      | 9   | 50 |
| 12   | 3     | 11  | 42 | 1       | 20  | 39 | 0      | 25  | 8  | 0      | 10  | 44 |
| 13   | 3     | 20  | 11 | 1       | 24  | 52 | 0      | 27  | 13 | 0      | 11  | 38 |
| 14   | 3     | 28  | 39 | 1       | 29  | 5  | 0      | 29  | 19 | 0      | 12  | 31 |
| 15   | 4     | 7   | 8  | 2       | 3   | 18 | 1      | 1   | 24 | 0      | 13  | 25 |
| 16   | 4     | 15  | 37 | 2       | 7   | 32 | 1      | 3   | 30 | 0      | 14  | 19 |
| 17   | 4     | 24  | 5  | 2       | 11  | 45 | 1      | 5   | 36 | 0      | 15  | 13 |
| 18   | 5     | 2   | 34 | 2       | 15  | 58 | 1      | 7   | 41 | 0      | 16  | 6  |
| 19   | 5     | 11  | 2  | 2       | 20  | 11 | 1      | 9   | 47 | 0      | 17  | 0  |
| 20   | 5     | 19  | 31 | 2       | 24  | 24 | 1      | 11  | 53 | 0      | 17  | 53 |
| 21   | 5     | 27  | 59 | 2       | 28  | 38 | 1      | 13  | 58 | 0      | 18  | 47 |
| 22   | 6     | 6   | 28 | 3       | 2   | 51 | 1      | 16  | 4  | 0      | 19  | 42 |
| 23   | 6     | 14  | 56 | 3       | 7   | 4  | 1      | 18  | 10 | 0      | 20  | 35 |
| 24   | 6     | 23  | 25 | 3       | 11  | 17 | 1      | 20  | 15 | 0      | 21  | 29 |

IN MINUTIS HORARUM.

| <i>Hō<br/>ræ<br/>mi</i> | <i>Primi</i> |           | <i>Secundi</i> |           | <i>Tertij</i> |           | <i>Quarti</i> |           |
|-------------------------|--------------|-----------|----------------|-----------|---------------|-----------|---------------|-----------|
| <i>nu.</i>              | <i>gr.</i>   | <i>m.</i> | <i>gr.</i>     | <i>m.</i> | <i>gr.</i>    | <i>m.</i> | <i>gr.</i>    | <i>m.</i> |
| 5                       | 0            | 42        | 0              | 21        | 0             | 10        | 0             | 4         |
| 10                      | 1            | 25        | 0              | 42        | 0             | 21        | 0             | 9         |
| 15                      | 2            | 7         | 1              | 3         | 0             | 31        | 0             | 14        |
| 20                      | 2            | 49        | 1              | 24        | 0             | 42        | 0             | 18        |
| 25                      | 3            | 31        | 1              | 45        | 0             | 52        | 0             | 22        |
| 30                      | 4            | 14        | 2              | 6         | 1             | 3         | 0             | 27        |
| 35                      | 4            | 56        | 2              | 27        | 1             | 13        | 0             | 31        |
| 40                      | 5            | 38        | 2              | 48        | 1             | 24        | 0             | 36        |
| 45                      | 6            | 21        | 3              | 9         | 1             | 34        | 0             | 40        |
| 50                      | 7            | 3         | 3              | 30        | 1             | 45        | 0             | 45        |
| 55                      | 7            | 45        | 3              | 51        | 1             | 55        | 0             | 49        |
| 60                      | 8            | 28        | 4              | 13        | 2             | 6         | 0             | 54        |

Tabula æquationis.


| <i>S</i>   | <i>A</i>   | <i>Æquatio</i> | <i>A</i>   | <i>S</i>  |
|------------|------------|----------------|------------|-----------|
| <i>fi.</i> | <i>fi.</i> | <i>gr.</i>     | <i>gr.</i> | <i>m.</i> |
| 0          | 6          | 0              | 0          | 0         |
| 0          | 6          | 5              | 0          | 55        |
| 0          | 6          | 10             | 1          | 49        |
| 0          | 6          | 15             | 2          | 43        |
| 0          | 6          | 20             | 3          | 36        |
| 0          | 6          | 25             | 4          | 26        |
| 1          | 7          | 0              | 5          | 16        |
| 1          | 7          | 10             | 6          | 46        |
| 1          | 7          | 20             | 8          | 5         |
| 2          | 8          | 0              | 9          | 8         |
| 2          | 8          | 15             | 10         | 12        |
| 3          | 9          | 0              | 10         | 34        |

Tabula latitudinis

|          |          | <i>Latitudo</i> |              |               |            |
|----------|----------|-----------------|--------------|---------------|------------|
| <i>M</i> | <i>B</i> | <i>Pr.</i>      | <i>Temp.</i> | <i>Quart.</i> | <i>B</i>   |
|          |          | <i>fi.</i>      | <i>fi.</i>   | <i>gr.</i>    | <i>fi.</i> |
|          |          | 0               | 6            | 0             | 0          |
|          |          | 0               | 6            | 0             | 12         |
|          |          | 0               | 6            | 0             | 6          |
|          |          | 0               | 6            | 15            | 3          |
|          |          | 1               | 7            | 0             | 5          |
|          |          | 1               | 7            | 0             | 6          |
|          |          | 1               | 7            | 15            | 7          |
|          |          | 2               | 8            | 0             | 8          |
|          |          | 2               | 8            | 10            | 13         |
|          |          | 3               | 9            | 0             | 10         |

Tabula distantiarum.


| Distantiae |     |       |   |    |         |         |        |     |     |     |     |     |     |
|------------|-----|-------|---|----|---------|---------|--------|-----|-----|-----|-----|-----|-----|
| or:        | oc: | Primi |   |    | Secundi | Tertiij | Quarti | or: | oc: | or: |     |     |     |
| fi:        | fi: | gr:   | 1 | /  | 1       | /       | 1      | /   | 1   | /   | gr: | fi: | fi: |
| 0          | 6   | 0     | 0 | 0  | 0       | 0       | 0      | 0   | 0   | 0   | 12  | 6   |     |
| 0          | 6   | 5     | 0 | 16 | 0       | 26      | 0      | 42  | 1   | 8   | 25  | 11  | 5   |
| 0          | 6   | 10    | 0 | 31 | 0       | 51      | 1      | 23  | 2   | 15  | 20  | 11  | 5   |
| 0          | 6   | 15    | 0 | 47 | 1       | 18      | 2      | 4   | 3   | 22  | 15  | 11  | 5   |
| 0          | 6   | 20    | 1 | 2  | 1       | 43      | 2      | 44  | 4   | 27  | 10  | 11  | 5   |
| 0          | 6   | 25    | 1 | 16 | 2       | 7       | 3      | 23  | 5   | 30  | 5   | 11  | 5   |
| 1          | 7   | 0     | 1 | 30 | 2       | 30      | 4      | 0   | 6   | 30  | 0   | 11  | 5   |
| 1          | 7   | 5     | 1 | 43 | 2       | 52      | 4      | 35  | 7   | 27  | 25  | 10  | 4   |
| 1          | 7   | 10    | 1 | 56 | 3       | 13      | 5      | 9   | 8   | 21  | 20  | 10  | 4   |
| 1          | 7   | 15    | 2 | 7  | 3       | 23      | 5      | 39  | 9   | 12  | 15  | 10  | 4   |
| 1          | 7   | 20    | 2 | 18 | 3       | 50      | 6      | 8   | 9   | 58  | 10  | 10  | 4   |
| 1          | 7   | 25    | 2 | 27 | 4       | 6       | 6      | 33  | 10  | 39  | 5   | 10  | 4   |
| 2          | 8   | 0     | 2 | 36 | 4       | 20      | 6      | 56  | 11  | 16  | 0   | 10  | 4   |
| 2          | 8   | 5     | 2 | 43 | 4       | 32      | 7      | 15  | 11  | 47  | 25  | 9   | 3   |
| 2          | 8   | 10    | 2 | 49 | 4       | 42      | 7      | 31  | 12  | 13  | 20  | 9   | 3   |
| 2          | 8   | 15    | 2 | 54 | 4       | 50      | 7      | 44  | 12  | 33  | 15  | 9   | 3   |
| 2          | 8   | 20    | 2 | 57 | 4       | 55      | 7      | 53  | 12  | 48  | 10  | 9   | 3   |
| 2          | 8   | 25    | 2 | 59 | 4       | 58      | 7      | 57  | 12  | 55  | 5   | 9   | 3   |
| 3          | 9   | 0     | 3 | 0  | 5       | 0       | 8      | 0   | 13  | 0   | 0   | 9   | 3   |




## ERRATA.

- A** 3. facie b. linea 13. in fine, & linea 14. in initio, propromptitas,  
 lege pernicitas.  
**B** 1. facie a lin. 4. pro, numero, lege, annum.  
**B** 1. f. b. lin. 18. pro, Ioviales, lege, Iovialas.  
**B** 2. f. b. lin. 1. pro, In Europa, Ganimedes, lege, Iō, Europa, Gan-  
 medes.  
**B** 2. f. b. lin. 7. pro, initium, lege, initam.  
**B** 3. f. a. lin. 3. à fine, pro, quantum, lege, quantam.  
**C** 1. f. a. lin. 11. pro, primi, lege, prima.  
**D** 2. f. a. lin. 2. à fine, pro incurram, lege, incurrant.  
**D** 4. f. a. lin. 5. pro, propter, lege, præter.  
**D** 4. f. b. lin. 17. pro apagao, lege, apogao.  
**D** 4. f. b. lin. ult. pro, Iovis, lege, in  
**E** 1. f. b. lin. 27. dele, Primi 5.  
**E** 2. f. a. lin. 21. pro, opposita, lege, apposita.  
**E** 4. f. b. lin. 6. pro, planetæ, lege, plane ut.

F I N I S.







UB WIEN



+AM235657102

